



玫瑰先生文集卷第三

四明樓

鑰大防

古詩

送制帥林和叔歸

使君一何清鶴骨天與瘦少年場屋聲六藝飽  
芳漱一行起作吏所立已不苟立朝凜大節論  
事幾及雷發言必體國平正無矯揉藜藿為不  
採風采照宇宙出入有本末眼見凡三就來不  
為首合薦召乃結綬去志不好高三宿徐出畫  
天官豈不貴陳義堅素守贛川嘗報政復來守

鄣鄩不求赫、名實出壑黃右情偽十萬端到  
眼輒空透撫民過嬰兒閭里息爭鬪姦胥及強  
便時用霹靂手人誦南山判情通理亦究六邑  
俱帖靜相贊不容口律身至嚴吟無能掣手吾射  
吏事精且勤呼燭侵夜漏公退入家塾諸係後  
求秀吏卒不識面洛誦出窓牖幾年南塘路來  
往困僵仆一朝平似掌行敬紛老幼公心信如  
水古井波不皺榮觀處超然軒冕亦何有翩、  
欲賦婦排雲屢騰奏廟論終不許斯民借方冠  
上心重閔旁祠官向廬阜闔境極攀戀人、懷

杜母君者卧轍人誰能使奔走挽須不得留百  
拜願公壽老我幸同朝傾蓋已如舊聯事東西  
省交情久益厚我婦公亦來門戶託雲覆黃堂  
間參語惟我與舅揚旌鳴鼓吹賁此逢甥華陋  
清談不反私翁婦况不受義命孰不知踐履或  
差繆惟公見善明力行真耐久有時相與言心  
同蘭其臭摻袪寧忍別追送列觴豆公雖不好  
飲勉為引醇酎公去我亦隱菽水翻綵袖花溪  
渺何許望、幾雙堠千里共月明懷人重搔首  
惟應折梅花臨風為三嗅



賦揚州伯父海檜

潛虬拔地徑天矯騰拏勢出青雲表為問猶向  
此中蟠坐閱春秋昏復曉團圓蓋月輪平直  
蒼叢衆星小枯槎當面結生香外有霜皮細  
勻逸乃知造化有神巧散作摻枝窮樹杪雖非  
直榦棟梁材怪、奇、樂幽窈獨秀海山臨浩  
漾駭浪翻空雲縹渺茁芽自有甘露滋弄影幾  
經霜月皎崢嶸老氣本天然後生矯揉何時了  
我家揚州真好事買歸但覓千金少夜半有力  
欲負之護持和壁終歸趙從來寫照無髣髴畫

師欲快毫端掃解衣盤礴意慘澹卷起生綃色  
徒慙我來青邊立寒峭自憐氣與秋天香倚筇  
一笑賓亦散開尊相與傾濟醪謂當好如好  
賢為君三復緇衣篇時、來前看不足終待結  
屋平湖邊

跋秦比海扈從書事詩

晉陽固自有高共奉天豈可無宣公當時扶日  
滄海東尚想健筆驅長風指揮諸將如奴童中  
興內相當推功斷碑毋庸詫詩工制藁具右鑿  
坡中



送萬耕道帥瓊管

黎山千仞摩蒼穹、獨在大海中自從漢武  
置兩郡黎人始與南州通歷、更革不勝計唐  
設五莞如容邕皇朝声教久漸被事体全有中  
華風生黎中居不可近熟黎百洞播疆封或從  
徐聞向南望一粟不見波吞空靈神至禱如響  
答征帆飽掛輕飛鴻曉行不計幾多里彼岸往  
往夕陽春流求大食更天表舶交海上俱朝京  
勢須至此少休息乘風徑集番禺東不然舶政  
不可為兩地雖遠休戒同古今事变無定論難

信指之與揚雄四州隅分各置守瓊臺帥閩尤  
尊崇高牙大纛擁方伯鼓吹振響驚蛟龍漢家  
威名兩伏波盧丁以來幾宗工衛公精爽尚如  
生妙語况有玉局翁史君吏事素高了明若古  
鏡摩青銅叱馭行、不作難平生惟仗信與忠  
布宣王靈萬里外益使向化來蠻貊第惟遐方  
習踈慢政化要當率宜以霧中能見越王石自  
然心服今易從頑獷未率宜以漸勿示駭政先  
含容平、之策用定遠下、之考書陽公吏民  
生長固安土尚當摩撫如童蒙屬僚官游豈得



已士多失職悲途窮名分卑尊不可紊更念何  
處不相逢官事既了與無間可使和氣俱冲融  
鄉閭惜別情所鍾臨歧為傾琥珀濃手遮西日  
念遠去欲留奈何鼓逢、願君穩度三合溜早  
歸人侍明光宮

寄題高汝一少卿識山堂

廬山之高誰不識欲識其真了難得往來山中  
最親切巖為橫看峯是側曾從彭蠡望山外識  
得山南昧山北山体如、本不動人若求之愈  
多惑君今一堂據湓城香爐五老皆嘉賓莫問  
後前與向背面目還君多識真君今與山如故  
人慎毋忽作白頭新堂中燕坐靜且壽君其於  
此知吾心

侍仲舅同諸表游山

來游大梅山涉山知幾重平行十仞岡俯瞰他  
山峯一步一步高勢欲凌虛空左顧九地底樓  
臺鳴鼓鍾蓬萊及在下直恐舡引風又疑海水  
竭洞見馮夷宮行、愈就順故步尋苔封十年  
舊主人相對如夢中清談虛閣上坐到夕陽春  
年來頗畏影製才慕冥鴻入山非不深猶有行



人蹤安得更深居尚友荷衣翁未問梅子熟寧  
能敵青松度幾適吾心餘生得從容

大梅山

此山名大梅驅車入山麓試問山中人山名竟  
誰屬禪家開道場為說梅子熟僊家指為巖曾  
此隱梅福或云古有梅其大蔽山谷至今二梅  
梁靈響皆其族他山抗驚湍禹祠橫殿屋三者  
尚誰患禪師有遺族餘皆不可辨安得究圖錄  
但愛山又山喬林間脩竹

金峩漱石亭

溪聲真是廣長舌歷劫談空聲不絕不知來自  
何處山一意傾東忘萬折我欲漱石向水濱無  
奈齒牙搖落頻夜半寒聲到客枕只疑身是枕  
流人

寄題台州倅廳雲壑

頃年登臨赤城裏江遶城中萬家市治中寄我  
雲壑圖快請新詩服如洗曰思歲月如星流念  
念飛空尋舊游被圖哦詩想幽致直欲携節上  
山頭聞有於菟在岑蔚晚徑寒鷗敢翔集幾年  
榛棘蔽巖巖一朝絕境從中出細路雖非五達



康縈回自覺阻且長萬壑風煙開絕頂一丘曲  
折於中藏老砂射日銀星烟梅峽含風襟袖吟  
千巖高下各異狀如障如鋒亦如領天景瀕憑  
意匠營山不在高僂則名規撫已定力未暇他  
時會有滕王亭風浪隔闊天垂幕安得扣問親  
剝啄詩夢到故山川睡美不知鍾鼓傳

王原慶新遷居南堂以古風求寫怨

齋二大字并石刻次韻

三槐諸孫有奇士才高特未遇時爾作詩尤能  
備衆體短章大篇仍雜擬解紛使掉三寸舌隨

陸蘇張何足比鵑鷲猶未離風塵蛟螭尚爾蟠  
泥滓平生曳裾向侯門豪傑聞風競瞻企只今  
交游亦凋落凜凜一身嗟獨時槐陰滿庭渺向  
在久寓瀛壖成故里瀕湖小樓太孤露何殊玉  
川洛城裏邇來深入作郊居高屋好山成二美  
未能按劍斬樓蘭我欲袖推摧晉鄙便將拂袖  
武陵溪誰能著脚長安市西門性急佩柔常柳  
予氣高成曲几衡字全似婦柴桑茅茨大勝居  
檐耳我詩非工字尤拙荷子愛忘剛見喜夜來  
縱筆馮怒齋自笑黔驢技止此更求古刻訪少



作頗記醉中曾諾唯舊書紛沓費搜尋魚鱸未  
開塵事起呼童卷送三數軸僅可障風同故紙  
新詩鼎來亟予和顛字敢追張長史不須更投  
若海中一笑以還隨棄毀徑須携酒登南堂朗  
詠白駒三四章

又次韻

投老歸稱前進士時與田夫相汝爾淵明賦歸  
何敢望曼容自免差可擬門前爵羅真可設老  
圃灌畦聊自比怒齋空洞最相親笑談頗覺清  
無滓時、過我共銜益望、不未予為企丈夫

未遇困泥塗誰識鸞停兼鵠峙方期從容結詩  
社相與浮湛向閭里一朝別我欲遠游欲入桃  
原深洞裏為言半隱欲偕行二子風流真儷美  
向來早有四方志行盡東南到邊鄙只今名利  
遂兩忘爭心無復於朝市祇有哦詩興未闌連  
得新詩照塵几調高韻險不易和白雪陽春驚  
俚耳年登六十鬢未斑乘興一行若可喜宗盟  
莫逆素相忘並轡笑談無彼此湖海豪氣儘收  
斂以恕名齊幾一唯匆、摻袪不得留卮酒未  
乾人欲起寄声半隱不容言空有語離書蒲紙



歸時賡和必盈箱寫盡山川詩作史送子才歸  
深閉門莫問是非并譽毀但期遠歸亦升堂西  
湖仍訪老知章

送鄭楚客司法之岳陽

先生作賦真入吟高處獨步無古今少從三山  
未四明一群士子多青衿我嘗學事六七載膏  
馥沾白資之深竊名文場掌帝制至今不敢忘  
指南英、二子俱秀爽遺以一經無籛金長公  
奉母上巴陵念君遠去因論心見君詩編筆雖  
敏三嘆亦見朱弦昔海瀕爨波幸解組未知宦

路多嶮嶇先生賦編更熟讀非止駢儷誇詞林  
具中關鍵妙一世字、諧恊如鳴琴談經况有  
著述在持論肯為向與歆青箱但能世其業前  
躡雋軌將駁、君家曾無錐可卓遲次幸此突  
不黔不惟母老身非少廉介又務循官箴量入  
為出可不謹斤、飢食寒有衾非求多藏第約  
已瓶儲紙裹迹可尋法曹持平守三尺平反一  
笑神所臨謹母天已母夫人同列當和時盍簪  
上官善事免曠職首上尻高宜致欽岳陽樓號  
天下稀地拆吳楚連衡擲洞庭漫汗天立壁君



山當中出青岑向來命名字以楚宦游直到重  
湖潯登樓談笑領僚屬風流放遇賢侯任君行  
應得江山助新篇寄我毋浮沉慘祛欲言不盡  
意更取濁酒從君斟太守任  
洙道原  
周伯範棊會以足疾不赴走筆寄生  
里閭講棊社大要率且真豈惟簡苛禮正欲聚  
首頻向來賞花約深恐負此春、來顧多事殆  
如參與辰今朝怡、堂坐上兀幾賓默計病或  
故約略三數人益知會合難舉酒勿問巡棊桴

誰勝負清新想歌脣僵卧一榻上執熱難屈伸  
斐然申前盟余將踵後塵

史清翁次前韻覓酒以金川玉友一

枕瓶西安酒一斗送之次韻

社中日相從此意豈不真其初定要約深期往  
來頻今年苦多故孤負四郊春清和到新秋其  
間足良辰而我獨抱痾未能會嘉賓定又得玉  
友風味尤可人思與君痛飲欲招復逡巡忽焉  
得新酒亟遣徑入脣別有酒一斗併使君意伸  
我雖不敢嘗為洗胃中塵



送元衛弟赴長亭鹽場

送元衛弟赴長亭鹽場

二公脫辭軒冕勞兩齋莫辨通與高嘗登雲山  
仰清獻平地著屋山周遭白頭日過適齋下釣  
游尚想隨兒曹方從家舅與俱隱野鶴誰能鳴  
九臯加我數年未納祿解去簪紱甘同抱世間  
此事要識破差處不可容一毫穎川尉僂賦長  
句數寸之管煩君操欲追險韻繼坡老詞鋒犀  
銳真吹毛舅家見詩勉續貂長松相倚慙青蒿  
我今無復望祿仕不應招我更由教

送元衛弟赴長亭鹽場

阿連生而秀二親所甚愛仲兄勤耐養遇事輒  
加誨幹蠶靜而辨自改無卑隘今焉職宰盆官  
宇臨渤海母謂官為小要使所居大母言才可  
了檢身到纖介我家門戶重衣冠綿數代當以誠  
心求子規勿自懈亭民亦良民孰謂居無賴官  
吏既擾之兼并責逋債焚波亦良苦樂歲色猶  
菜輸鹽不得錢何以禁私賣所在積蠹久良法  
漫多壞吾間不無術更當審利害孰視不為謀  
空餐媿難蓋不應行一切遽使絕稱貸富者能



寡取倍息久仍在貧者庶少寬公私可緩帶母  
年登九十家居幸康泰其家不從政禮經有深  
戒幸子去不遠時、可歸拜小別不足惜輕舟  
送前邁

送從子沆宰鄖鄉

小阮幼鍾愛長乃遭百罹風木既深痛棘華更  
纏悲所賴有君子獨立守家規上有門戶託傍  
孤與婺忽為麀國行沂江秋為期冬滂與夏張  
漢水足險巖慘袪送子去風帆不可羈城中褚  
為弊邑下尤可知定知公事少不必事作為有

用智正惡鑿大道本自夷家無壯子弟宗族各  
大涯幸有知己人方且把一麾四海皆兄弟官  
察善待之眠食謹調攝家務須自持俸薄用宜  
審無使實漏卮此別動深念毋忘故鄉思一書  
抵萬金時寄賓鴻歸

送高仲遠赴滁倅

高氏在四明於今為青門貳知道素高夫人德  
尤尊子弟盡恂、夫君更春溫昔年奉慈親定  
省嚴晨昏今日當門戶友愛深弟昆伉儷信緣  
合端良由性根門中有孤婺極意均撫存與我



親兒女次第了嫁婚不可解於心肯自以為恩  
不言而躬行後生熟見聞諸郎已秀發穎異有  
佳孫鄉評共歸重內外無間言公勤官業廣所  
至治不煩僊舟何遽西行、佐侯藩環滁皆好  
山風月當平分醉翁與樂全遺蹟今尚存况有  
賢史君易鎮方比轅公餘陪嘯詠相映如瑤琨  
生來仕平進自此朱兩轡從兄今鼎貴鼇禁兼  
掖垣君其繼英躅復收舊青氈老我得投閑頻  
年接清歡同社摻君祛戀、傾離樽梅風吹溽  
暑祝君尚加餐

秋雨兀坐王原慶携孫吉父菊花倡

和見過有分遺之意次韻

五載社門居海角無復翻階賦紅葉白憐荒徑  
菊猶存夕餐空待秋英落眼明喜見綠叢、始  
也抽苗今滿握扶筇著意養孤芳荆棘旁連細  
開斫天香入骨徐吐芬中有秋風非外鑠傳聞  
南堂有佳種願過屠門思大嚼頗亦有意欲見  
之此意未容兒輩覺乃知便許移芳根不止園  
官供小摘要令壽客未駢肩何用潭水求延年  
有時採之東籬遺不覓南山在眼前淵明千載



幸同調老我此際方悠然西風吹花日夜急散  
金坐看開田、兩詩先到衡門下思向平臺尋  
戲馬從君九日去行樂莫為登高淚盈把

南堂自對送王粹中教授入蜀

王粹中教授赴新蜀帥尚書黃公  
之招萬里有行古調一篇贈別因  
誦所聞以求益雜然陳叙不暇較  
工拙也

萬山四塞圍平陸太為關中次為蜀我生東南  
未曾到蜀士游從聞頗熟自從襄陽上峻途高

欲登天下臨谷女媧大山塞空虛麻綫名堆千  
萬曲行人一井鹿頭關下瞰平川如畫幅、負  
二百四十里、出萬緡民日蹙向來陝西五路  
兵退守諸關疆地促計臣權且重增賦民力尚  
寬隨所欲爾來因仍七十年鬼不輸錢無雨粟  
民生哀哉不堪命外若富饒中不足益梓尚有  
繁盛風夔峽窮民幾比屋惻耕危獲供稅租飯  
多梯稗無嘉穀朝廷謀帥弄印久宣諭尚書剖  
符竹尚書當今第一流翁壻相望冰映玉胎書  
挽君為此行古人義槩非流俗君亦慨然挈家



去慘祛未免再三祝君行豈為溫飽計一舉高  
飛快鴻鵠丈夫生有四方志登覽山川非碌  
頃為假吏到燕山未行先取山經讀所至訪尋  
多得力中原至今在吾目北征西征昔有賦何  
肯徒行空逐、子西嘗因過峴首遐想羊公欲  
相沃關右放賈眼拔鏃表留卒使癰潰肉試推  
此意向前去到處前人有遺躅五丁開山果何  
在賢皇籌邊言可覆劔門石角皆北向雪嶺界  
天望身毒高皇將壇在漢中武侯八陣留魚復  
棧閣繩橋世稱險威茂渡笮耒夷族李冰離隼

如底柱大寧鹽泉若飛瀑四路尤多未見書買  
歸何止三萬軸黃公次功蜀檮杌石湖居士吳  
船錄君宜預考經行地却隨所見書之牘幕中  
便可資籌策遠業因茲增蘊蓄又聞渡瀘不在  
瀘南在沉黎邛崃九折是君家世尤當知 藝  
祖按圖揮玉斧大度河外等葉之本朝獨無南  
詔患一語決定無敢違成都郡庠千白袍後來  
之秀日益奇周公禮殿端然在畫像盤古繼必  
犧春秋奠謁用舊樂想見節奏并威儀談經約  
史各專門學問可以相發揮康節遺書有傳者



不涓師問窮精微先天僅得十二三声音律呂  
無由窺更有異聞多細事試因餘暇質所疑青  
城大面訪僊迹普賢靈變窮峨眉街名碁盤路  
九遠江號濯錦如汙池古栢參天二千尺水滸  
鼎立三石屏藥有珂貝說尤詭字書不見相與  
攪金堂鸚鵡掃孤塔蒼溪摘柚五出押嘉陵梵  
像為最巨閬州城南天下稀少陵入蜀往來久  
須行萬里方知詩我慙寡聞言又拙君其更為  
加詢咨老我無復為世用但當社門待君歸  
期未知果何時、寄尺褚寬吾忍

山行歸來喜栽新竹

平生好看竹每見竟相與小大或疎密一一皆  
媚嫵恨無地可種所至造竹所近方闢門徑得  
地尋丈許乞鄰栽百箇參差正當戶天公有老  
眼惠以三日雨山行不厭泥但喜竹無苦歸來  
報平安翠葉多楚楚不妨來子猷奚必希蔣詡  
何當遠扶踈歲寒與君侶

正十買新小溪道中

晚出城西門循牆過南境夏橋日沉輝沈店月  
成影納、川路遙賒、水声冷歌枕擁衾榻樂



此寒夜永

醉題魚屏

五千買得見屏風  
白魚相逐菰蒲中  
俊尾撥刺有生意  
旁人未易分雌雄  
屏後諸孫更雍容  
澗、無數迷西東  
我雖非魚知魚樂  
、處未必魚知儂

范牛

人問吾何愛一牛  
范僊真筆倍風流  
繩牽雖未如自放  
猶勝更著金籠頭

白醉

陶內翰清異錄首載開元時高太  
素隱商山起六逍遙館各製一銘  
其三曰冬日初出銘日折膠墮指  
夢想爰背金鑪騰空映簷白簷余  
愛其言取以名日閣陳進道示惠  
大篇次篇

處世難獨醒時作映簷醉  
年少足裘馬安知老夫味  
天梳與日帽且免供酒事  
謫居幸三適得此更慙媿  
向來六逍遙特書見清異  
君家老希夷相求諒同氣  
曲身成直身朝寒俄失記  
醉中



知其夫不飲乃同意書生暫奇溫難語純綿麗  
北更應致贈范緝文秀才書言其前與范子  
志和天林與括蒼范牛自題云中興道士范子  
或古蹟跡題泯異人也淳熙間武昌羅端良史  
君遠寄詩編有贈畫牛范秀才一  
詩愛玩不能去手時、誦之以寫  
云亡之悲今十八年矣有范緝文  
叩門初談風鑿旋及墨戲事自言  
視子泯為大父行羅史君贈詩即  
其人也既試其說草數語畀之

中興道士以牛鳴淡墨百果尤著声妙入神品  
仍有靈我不識之欵其名曾得烏捷兩橫軸又  
有石播才一幅武昌使君舊寄詩末言秀才乃其  
族忽有綿文來欵門自言真是當家孫口誦羅  
詩若翻水他詩歷、俱能言一見前畫數真蹟  
願得生綃奮吾筆為作未禽對石榴一掃橫枝  
生意出我詩不工人已陳有詩豈復能動人為  
君一寫史君語更求知已如羅君  
送陳表道宰南豐  
與君出西郊送子之南盱子為名又子才器真



璠璣乃翁老從臣循吏追兩都益公工擬人謂  
比王仲舒積善必餘慶于公大門閭子能傳家  
學何止讀父書執喪真有聞孺慕久不俞彈琴  
不成聲西上何徐、文場嘗得雋一跌重歎吁  
通籍金閨中夷庚因少迂邑中有三曾聲名照  
堪輿士夫秀而文比屋多為儒萬里此發軔曾  
中有全模將別更求言老馬從問途乃翁同汪  
出親誼崇終初以規不以頌不自知其愚民社  
非細事况此壯大區不飲第一策精神長有餘  
以此奉塵刹以此當萬殊何官不可為禍福皆

在吾劇邑最為難謹畏可無虞試看悔吝者矣  
惟予之辜民力久已困未免索稅租欲如古什  
一攻瑟難吹竽古意行今法自應知樂輸有弊  
勿遽革有姦毋亟鋤責已重以周檢束到錙銖  
兩腳踏實地處事隨精粗頑不在斯民猾不在  
吏胥苟以明恕行久之定交孚為善無近名實  
著名與俱飲啄信前定富貴不容圖三年報政  
成明時其舍諸老我世無用情親肯自踈盡此  
一盃酒惘然摻子祛相依忽成別加餐意何如  
陳天成詩多和東坡韻茲因寄喜兩



新詩走筆謝之

一春垂、困多雨雖曰如膏又成苦自知潦後  
必成旱杲見晴天雨黃土連旬不雨已嘆嗟  
滌山川雲不吐未聞鶉鳩鳴屋角但有蚊蠅爭  
振羽一梅無望、重梅早魃為妖無術禦間居  
憂國後雲霓夜、三星正當戶君王側身嘆涼  
德雲漢之詩無媿古避殿減膳率以躬已責縱  
因真有補史君精傳盡誠意千里歸心稱杜母  
四郊神物招蠅蚋所在疲氓如手撫風伯在今  
誠可訟已聞石燕空中舞時、小雨慰人心渴

滯

瓦流膏僅兒乳傳言望日當通濟老巫已得靈  
神語濡然三日果應期靡袖不舉誰為主河流  
頓已復舊痕良苗喜見興南畝中宵愁念不成  
夢摩挲便腹眠清午從今一飽便可望坻京行  
見曾孫廋陳侯忽就春容篇徑遺長湏入城府  
歎君健筆今已老不草勅書招賢普坡翁相去  
已百年時出新詩追步武

六月十六夜觀月翌早起所見成長

日愈工太通謠

海雲湧立雙鐵山明月正在山中間初疑漢陂



藍田出水面又似長風吹度玉門關  
漢史雲過月愈上太虛點綴從飛翻  
白衣蒼狗不足究千變萬態俱可觀  
忍馬橫卧如蒼龍驪珠額下光團圓  
山河清影見歷、桂枝扶疎若可攀  
夜深醉倒鷄鳴起光景不類居塵寰  
長庚曄然朝曦發望舒猶掛西林端  
我欲呼吸晶華駐朱顏左有金丹右玉丹  
昔聞丙曜在天如磨蟻日行日止一度慳  
太陰行速朔必會金餅旋復成弓彎  
八卦万物盡闕擊歷古不已真跳丸  
急景懍恍難控搏但見霞彩生爛斑  
老我已復卦氣闌李

道無成空自嘆不如安坐委天順  
一聽運化更循環

它山堰

它山吾鄉絕境也屢游而不及賦  
近過其上得前四句而歸李夏鬱  
蒸午寂無事因足成篇馮罷長哦  
遐想勝地寢覺風生兩腋汗垢俱  
清比之陵陽吟語尤為避暑上策  
也

它山堰頭足奇觀  
百萬雷聲不斷誰把并州



快剪刀平剪波瀾成兩段四明山深水源遠衆  
聲會豁長漫汗滔天狂潦不少留瀉入長江勢  
奔竄賢哉唐家王長官欲圖永利輸長筭想得  
慘澹經營時下上山川應飽看四偏千嶺相屬  
聯惟有茲山擁東岸遂於此地築橫埭截取衆  
流心自斷斟酌利害不全取高下參差僅強半  
水大十分七八江徐挹三分供溉灌支流瀰  
穿群城脉絡貫通平且緩旱時反此水亦足坐  
使千年忘旱暵無窮廟祀報元功像設森嚴人  
敢玩梅梁天嬌有冥助大惠於今尚能捍前輩

所作多神靈日月真成赤心貫後人小智或更  
易費尽工夫隨破散河堙益浚謀不集堤斷河  
傾流甚悍富民縮手人受殃仰望古人重興嘆  
老木號風波湛碧盡屏俯仰丹書煥更須積雨  
看驚湍濡足褰裳何足憚去家不遠時一游短  
艇垂綸流可亂八月儻有僊槎來便欲乘之游  
天漢

林復之求僧陳君舉為寫山谷與俞

清老詩而和之次韻

歸墨氣何銳為儒意何闌勸沮皆不可要惟心



所安何必收澄觀強欲加巾冠余看飲光衣以  
次傳何難

送秦仲防制幹

秦郎相家子被服一寒士不味膏粱珍嗜書如  
嗜芟仕途樂平進欲上行或止制使護瀛壖婉  
畫幕中試不避癡見譏但欲了官事君賢他可  
及好善無與比公餘仍進學訪問無巨細片言  
苟有聞必欲窮根底一介有可觀窮閭必躬履  
老我甘投閑衡門人所棄惟若異時好時來訪  
生死淡交久而敬清談或移晷一朝語余別摻

祛不容已向來二三公頗亦同臭味去、群欲  
空今君又行矣欲歸投金瀨尚眷涌東水結交  
多老蒼要路有知己青氈我家舊勉毡收上第  
先聽傳除書使我喜不寐別後未相忘毋愛書  
一紙

送蔣德常宰鄱陽

棊社頗寥落聚會多參差矧如天君賢貴重双  
兩金豈可無此君周旋相與深一別歸未久征  
鞍又駁、老我若多病別酒難重斟摻祛不可  
留贈言効規箴吾聞古番君甚得江湖心官無



崇與庠時無古與今古人乃能爾斂衽當致欽  
我亦一丈夫毋謂力難任未暇言偃歌肯彈必  
賤琴明恕加撫摩細故多親鄰罔密吏易姦賦  
重民弗禁飛鴟懷柔堪烹魚漑釜鬻此邦熟往  
來當有慰黎黔君能踐世科朝行仔明簪公餘  
昌遠業書讀松竹林故家未見書校讎如向歆  
時、為尋訪歸來共書淫勿以三徑荒間作莊  
舄吟勉我赴功名莫待二老侵數年儻加我寒  
盟尚能尋

題家藏二畫

二龍

老龍卧海沙竟來未久伸珠光發海底闔然目  
有神畫龍不畫令必雜烟與雲此龍未嘗動具  
見爪与鱗一龍望見之爭心生怒嗔奮还勇欲  
前便爾雲滿身不知出誰筆定非塵中人若非  
親見之何由寫其真雲濤方洶湧恍若渺無津  
為霖會有時正爾良苦辛乃知青雲高不如寂  
寞濱深處或飛去十龍裝聊自珍

二虎

一虎弭耳行一虎立而顧猛鷲乃天資亦爾相



媚嫵媚嫵尚耽、况復逢其怒吾聞宣城包今  
古稱獨步投老筆愈精利牙爪可怖方且欲盡  
時閉戶張綸素磨墨備丹青飲酒至斗許解衣  
恣盤薄手足平地踞顧眄或騰擊窺之真是虎  
捉筆一揮成神全威不露此其真是虎  
蓬戶藜藿將不採何止奮狐兔

送陳進道倅三山

陳侯少有場屋聲歲在壬午聯薦名脫年游、  
安里居君亦懷綬歸家庭齊年連姻更同社臭味  
相與如弟兄一朝話別欲遠去洗盞更酌歌

渭城合沙樂土宜官游或謂不減洛與京平分  
風月信可樂人家弦誦我連薨豈惟帥閫賴關  
決定知秋闈望陶成西都外司掌宗盟煩君共  
二為之丞勿謂為丞但虛稱身途要當自此升  
惟君儒雅聞簪纓種學歲久筆縱橫奧篇隱帙  
了如響清談吁屑四坐傾詩筒來往附郵傳時  
出妙語人為驚梅花万樹照山白荔子百種輝  
空明九門雄尊盛官府三山森聳多地靈長樂  
一志書不尽平生頗恨未經行煩君傑句為摹  
寫遠寄使我心神清



送姜子謙宰鍾離

濠梁自古揚州域禹娶塗山城尚留鍾離雖嘗  
作楚縣子男之國書春秋早梁爭桑起吳鬻陰  
陵失道除漢讎嬴秦屬之九江群典午置郡任  
愈優蕭梁尤重北徐鎮高齊又為西楚州正觀  
割淮疆理失元和加水號名脩陽水篆虎書戶每  
奇畫如今照譙樓浮山築堰誰與謀漫引童謡  
為激溝役工沈鐵不勝計欲灌壽陽為廢立霧  
昏三日水怪出一決空胎千古羞上格下格果  
何在西豪東濠猶並流守邊在人不在險、阻

阻如故事不眸元魏擁兵數十方義之堅守竄  
其酋向來橫澗一失據凜、重貽宵旰憂刺史  
舊帶兩城使渦口兩城今在不君侯妙年筆為  
投名位詎肯卑微休世科高挹更膺仕哦松壯  
志未足酬欲效金城上方畧宦游直到窮邊頭  
三光五嶽氣猶分故疆慨想何時收邑事不足  
煩大手徃訪古今資遠猷老我無用垂多病為  
君相與數觥籌棊社冷落故人少况復臨風送  
行舟看君徃赴功名會努力自取公與侯又問  
魚臺在近境誰知魚樂如莊周烽沈拚靜若多



暇從容何惜觀游儵樂吹竽風軟水綠簪  
送瀟水剡川  
工部丞崑立我生丁巳年比吾既逾冠再轉丞  
金因年齡過半百奏子峨松軒親見勤小物如  
彼少壯然受輸導行費畧不取一錢飛糲至味  
目猶恐勞弗宣汝方壯有室行、貳剡川地近  
既便親俸外有圭田惟當念爾祖奉職罔不虔  
邑無不當問事亦不得專退無為避事進勿至  
侵權莊生才不才其間要求旃去年苦旱數穀  
熟殊頗偏未知催科時何取何當蠲二十七鄉

民戶口富人烟去天曾不遠微惡易以傳大寧  
九十餘父母俱華顛况子勤幹蠱豈不深受憐  
食祿須盡瘁毋嘆我獨賢不應頻往來恃有掇  
可訟時、寄安書何殊在目前秋賦已復近公  
餘更加鞭金壘喜接境一水通鄉船他時儻少  
病尚能僅擊鮮

送王知復宰建德

筮仕一何早字民一何遲歷、三十年中間多  
險巖宦途抵平進分寸窮攀躋最後官青監一  
蹴黃金闥低回能自愛風鷁甘退飛寧為紅蓮



幕往尋武陵谿親黨多勸止君去勸不宜治家  
有賢媛應門委佳兒安居捨大廈列屋間歌姬  
風霜登客路單車如鷄樓勇決有如此端是英  
雄姿有志事竟成不後一年期明詔趣鶴班壯  
縣催瓜時贏得為君子瓦泰相因依古群足蕭  
灑年來困征追守宰俱賢明斯民其庶幾抗葦  
欲走別有足如縈維牽酒向西望離愁渺天涯  
惟君才素高邑若不足為謂難易將至謂易後  
難支老我百念吟安能效良規猶記簿領初過  
庭聞舊詩惟畏為過寡惟勤無功虧遺訓儼如

在終身當誦之

題趙尊道屋注圖

趙尊道制幹以龍眠渥涇圖示余

余曰誤矣本韓幹馬東坡外為賦

詩老此龍眠所臨而以後為前俾

易之為書坡詩于後而次其韻焉

實十六披集詩云十四匹豈誤耶

良馬六十有四蹄騰驥進止紛不齊權奇個儻

多不羈亦有顧影成驕嘶或行或涉更相顧交

頸相靡若相語畫出老杜沙苑行將軍弟子早



有聲中聞各種雞群鶴無復瘦瘡烏暮啄當時  
玉花可媒龍後日去盡烏呼風開元四十万匹  
馬俯仰具亾空見畫龍眠妙手欲希韓莫遺鐵  
面關西看

題高麗行看子

高麗賈人有以韓幹馬十二疋質  
於鄉人者題曰行看子接處黃綾  
上書韓幹馬表飾以綾尾以精紙  
皆麗物也聞其懷金來取因命工  
臨寫而歸之再用東坡韻書臨本

之後

竹批雙耳風入蹄霜鬣剪作三花齊相隨西去  
皆良種撼首勢窳迎風嘶丹青不減陸與顧麗  
人傳來譯通語裝為橫軸看且行云是韓幹非虛  
聲圍人乘馬如乘鶴人馬相諳同呼咏中有二  
匹真游龍爬梳迥立綠楊風賈胡携金贖此馬  
亟呼上人臨舊畫我詩無分到三韓寫向新圖  
時自看

跋李少陵脩禊序

唐文皇之賜韓王有崔潤甫之題



為可攷若李重光撥鑿書斷然無  
能效之者其為真筆何疑朱徐開  
皇之記則已見少裴之辨開元去  
正觀未遠潤甫又職校定四部圖  
書以為最善本則真善矣辯才之  
本既殉昭陵今世止以定武本為  
第一又出歐陽率更所臨石本自  
應在墨蹟之下則知此本信為冠  
絕蓋希代之室也然考之新旧唐  
史崔湜弟液滌及從兄洎並有文

翰居清要液至殿中侍御史液弟  
滌明皇用為祕書監出入禁中後  
賜名澄如此則液為湜之親弟而  
為祕書監者滌也又宰相世系表  
博陵安平崔氏仁師相太宗高宗  
次子擢、之液子吏部員外郎第  
四子穩、之子湜相中宗湜之弟  
滌祕書監如此則液為湜之從弟  
人不為祕書監傳之與衣已自不  
同而滌之親筆乃尔以是知作史



與考古之難也困併述之仍賦長  
向以副少裴好古之意

蘭亭修禊永和中群賢高會俱雍容有軍作序  
亦寓尔藁草乃致傳無窮自言疑若有神助他  
日屢書終不同歷代傳寶在祕府尤其甚者唐  
太宗當時搜取極心力模本一、效群公惟此  
真跡最奇絕蕭梁開皇有遺踪親御奎文賜元  
嘉龍蟠鳳翥何其工辭才所取祕照陵此衣一  
洗九馬空崔家兄弟列清要誨子况復稱龜龍  
圖書四部資校讐當時尚有正觀風自云此為

最善本冰銜臣液題甚恭李王深得撥鑑法筆  
力絕勁雄江東右軍以來皆妙筆名勝異代如  
相從病餘扶僊行掃松李君携耒為發家平生多  
看旧墨本一見使我開心胃摩挲歎息不自己  
至寶盍入明光宮隱居懷宝玉正不要異氣或  
能牛斗衝叩門有客勿傾倒恐有御史來乘驄



與考古之難也固併述之仍賦長  
向以副少裴好古之意

蘭亭修禊永和群賢高會俱雍容有軍作序  
亦寓尔藁草乃致傳無窮自言疑若有神助他  
日屢書終不同歷代傳寶在祕府尤其甚者唐  
太宗當侍受永極心力模本一、效群公惟此

案原本脫去此為據佳日在本卷第十二号今從他  
于此

少大守任涑道原

圖書四部資校讐當時尚有正觀原自云此為

最善本冰銜臣液題甚恭李王深得撥鑿法筆  
力絕勁雄江東右軍以來皆妙筆名勝異代如  
相從病餘扶僊行掃松李君携耒為發家平生多  
看旧墨本一見使我開心胃摩挲歎息不自己  
至寶盃入明光宮隱居懷宝玉正不惡異氣或  
能牛斗衝叩門有客勿傾倒恐有御史來乘驄



與考古之難也困併述之仍賦長  
向以副少裴好古之意

蘭亭修禊永和十三年賢高會俱雍容有軍作序  
亦寓尔藁草乃致傳無窮自言疑若有神助他  
日屢書終不同歷代傳寶在祕府尤其甚者唐  
太宗嘗書史之臣

以此為據佳本日在本卷

第十二号今從他本錄補

一元

少大守任涑道原

圖書四部資校雙言當時尚有正觀風自云此為

最善本冰銜臣液題甚恭李王深得撥鑑法筆  
力絕勁雄江東右軍以來皆妙筆名勝異代如  
相從病餘扶億行掃松李君携耒為發家平生多  
看旧墨本一見使我開心胃摩挲歎息不自己  
至寶盍入明光宮隱居懷室玉正不惡異氣或  
能牛斗衝叩門有客勿傾倒恐有御史來乘驄







漲銀在鎔海市三岳屬提封四山寬圍城在中  
地平樓小望易窮安得高卧陳元龍麗譙公府  
難從容二閣均在道佛宮江山得助無遺蹤眼  
前突兀忽此逢主人幹國成棟隆鼎彝久書柱  
石功名遂身退茲明農卜築深靜依高燭百間  
朗、羅心胃咄嗟不待鑿鼓鑿最後奇觀凌虛  
空窓戶未須濕青紅似聞廬陵周益公亦作此  
樓高於崧相望落、見兩翁心匠不謀如影從  
我欲效顰意方濃一朝登眺君發矇不願侍公  
飲十鍾不願舞女紛歌僮揮架三萬牙籤重以

身願為書蠹蟲不然相陪夕陽春與公憑欄送  
冥鴻

再題行看子

先引護欄毬子聰九馬近遠俱相從黑駒駟黃  
驄素駒亦有芴面仍銀駿夏國一種青於藍五  
明錯靴皆如龍或驂或引恣馳驟坐覺隱耳聲  
瓏、人間安得有此輩一、必自天閑中不惟  
骨相異凡馬圍人貴介多雍容三花翦鬣自官  
樣空鞍更以香羅幪中間二者蓋天馬齒雖已  
老氣尚雄不知我出橫門道雙立柳下青陰濃



擡韉掉領刷背脊旋梳駿尾搖清風人、生意  
馬欲動態度曲盡各不同韓生去我幾百年藻  
色尚濕青與紅不知何時墮鷄林萬里遠在東  
海東賈人携來得寓目一見絕歎丹青工千金  
可買真不惜忽復携去何匆、亟令臨寫得形  
似如此神駿那得逢開元內外馬盈億色別為  
群從登封韓生所兒定傑出七尺為駉八尺駉  
向來鶯邊繫金絨婦乘欵段頭已童伏櫪寧能  
志千里却笑區、據鞍矍鑠翁

寄題吳漢英玩芳亭

吳侯奕、天分高歷記萬卷無差毫青雲垂上  
忽歸去年來益收湖海豪志同三閭時則異玩  
此芳物亭之鼻視彼顯類亦何苦鼻間糊、忘  
鬱陶詩文滿軸寄海嶠靈均細論無乃勞與君  
齊年况同袍祗今衡門沒蓬蒿有芳可玩便自  
適草間野卉時一遭離芷辛夷蘭杜若未暇一  
一追離騷詩文皆以屈  
平異同為言

送孫子祥赴新昌主簿

高士不為簿子嚴論獨殊不遭何不可而况主  
簿乎夫君豈其裔南明筮仕初要知官無卑祿



可代耕鋤正須勾小稽使民能樂輸矧復兼尉  
曹鼠竊隨除驅兩職去民近身途少摧輿居誠  
吾里秀賢厚素有餘埋蛇有陰德映雪讀古書  
起家決儒科鄉評足名譽妻以兄之子相與久  
相娛小別不足惜未免慘子祛邑境連台矧好  
山環四隅二子承鄰封川陸通舟車乘興或一  
徃徑欲造庭除公餘想績文尤當惜居諸會看  
興公賦擲地金声如

送澤丞上虞

我老不復仕行將掛衣冠兩子俱貳令官職恰

一般列川且書考上虞亦之官人言易捧檄歸  
奉重親歡我意正不爾期汝政可觀食焉忘其  
事古訓戒捨饒汝職去民親簿書當細看一邑  
無不問正爾良獨難江海巾三岳長隄捍驚湍  
埭高幾如山潮至不留殘宣和有遺迹能使潮  
浸灘陂湖謹善洩可以救旱乾長溝濟漕運浚  
治令通寬此皆丞所職勿憚心力殫江頭有東  
山永懷謝家安邑有李與豐况復居二潘尚友  
更從游問學加研鑽平時固知汝廉謹無欺謾  
涉世終未深送汝能忘言故鄉去帝鄉舟取多



往還失已固不可待人亦多端罔永遠道譽善  
遣非意于窮達自有時此理真如丹聚散不足  
較豈得長圍藥閑靜我所便汝具自加餐有時  
或乘興往來二子間踏兩送汝行浮家當游般  
走筆如家書誰能苦雕刻

送伯中弟尉新喻

伯父盛德人伯中實暮子不惟能象賢氣貌亦  
相似幼日讀父書結字得皮髓粹然金玉姿少  
日期千里寧知游上庠蹉跎困名第晚始著青  
衫酸寒就一尉歛然報瓜時往戍真樂事自惟

群從希惜別不能已中年重離別况我衰如此  
親故例作惡况復於吾弟茲行豈得休雅懷聊  
漫仕勿憚三年留江南富山水尉曹官雖卑去  
民最密邇一日斯必葺職務母少弛善保金石  
軀離觴且同醉歸來畢婚嫁相從期暮齒教子  
以義方忍貧殺經史素業俱有傳見進未見止  
大兒方決科如摘鎖髭耳子尚徐其驅中途聽  
捷喜

送張子宓分教澧陽

澧陽泐何許遠在天盡頭頃為郡樓記圖志不



可永王侯錄故實頗亦費冥搜忠以申明著學  
有車公優外挹蘭江水下俯僊明洲讀書記群  
玉採藥思浮丘况得子厚語謂冠漢南州見謂  
頗詳盡豐碑照城隍可憐城與樓百姓不知修  
乃知尚有遺家傳載鄴侯張君將客授益嘗叙  
其由為我謝澧人聊以遮前羞君家世為儒青  
箱襲箕裘太玄泊潛虛探賸深可鈎君才兼數  
器博洽誰與儔南廟推第一鵬鶚快九秋得官  
愈嗜學手抄不能休館殿要人物衆寶登琳瑯  
演綸及視草如君真勝流蘭芷生顏色暫煩為  
文字飲能思故人不

送周君可宰會稽

作邑誠匪易況子之稽山銀函視兩赤朝家知  
其難鼎、數萬戶賦重民生難 山陵五雲飛  
辦護力更殫預買萬世散法貪至於殘越久瘠  
已甚當饋哉發歎名臣為竭力減額宜少寬不  
齊物之情茲事終變翻算歛及鷄豚詭戶多容



姦竟未得要領條令何其煩通才善剽劇南康  
遂通班誠心試求之要使後可觀古仕不出鄉  
習俗皆素閑東嘉嘗客授尋乃乘朱轡略如仕  
於鄉非意不得干况昔攝邑久疾苦知民間故  
吏想猶在疲氓知長官宜若差易耳未免送以  
言權雖與正同事體終兩般趣辦不計久為真  
事多端遇事勿生風三思庶能安試登寬簡堂  
取我前碑看六一貞格言坐右當銘盤向來難  
奉母版輿今似潘外盡撫字勞退公悅慈顏蓮  
峯聲望重待子興門闌勉哉發政譽行矣聞天

關

錢清王千里得王大令保母執刻為  
賦長句

書家千載稱蘭亭蘭亭真蹟藏昭陵只今定本  
誇第一正觀臨寫鐫瑤瓊黃閔罔下得寶墨古  
人燒孰堅於石大令親書保母銘况是當時晉  
人刻孰雖破裂文多全妙畫遠過蘭亭鐫其間  
曲水悲夫字駁、欲度驂騑前我家阿連縛虎  
手更得退堂方外友王君系出三槐家參生會  
文真耐久田丁初來獻小硯尋見津、若微溜



細看背刻晉獻之永和彷彿在旁右丞訪田家  
吓所從始知暮崩隨意取大甄支牀得前段掀  
倒浮屠全尾首字為十行、二百十有七二  
字漏交螭方壺不復見貞石摧藏松亦朽我得  
此碑喜不寐摩挲三歎、未有興寧甲子十四  
周更閱三年仍乙丑若非洞曉未來數安知八  
百餘年後坡翁應未見此志金蟬之銘何絕類  
又知文章有暗合智謀所見略相似二王遺蹤  
無所遺誰知地下此段奇三君共為成勝事至  
寶呈露端有時越山盤屈獻與義付與耳孫世

守之煩居更為護幽窳或恐意如猶有知

趙資政招賞川海棠次袁和叔韻

少陵千古詩人傑每見名花輒題絕錦棠無如  
蜀川盛見說千林天染纈大篇短章合無數忍  
對此花舌如結黃鵠銜子萬里來春光頗向東  
南洩棹聞老子携春歸移石鬱林表高潔棠桃  
炫晝不足言紅艷燒林疑益烈棠梨小紅自退  
聽不待騷人定優劣兩登蜀道歸海濱一琴一  
龜全晚節嘉招容我到花下春酒新筍公自挈  
攀翻亂挿人共醉十二金釵不成列表安參坐



為長哦同氣相求磁石鐵不須高燭映紅粧佳  
月自能明作哲紅潮滿頰卧林間風流誰敢來  
分別

泉口淨明院晝寢

沙頭古招提往來幾經行茲來當春晝解衣榻  
西楹王立青琅玕小窓虛且明紙帳白如雪休  
軟枕更平偃仰四體適久伸困思生須臾右脇  
卧徑入華胥城無人夢自竟闐然四無声林間  
婆餅焦悠、時一鳴翻身更從容意泰氣亦清  
連朝走丘壟百拜不遑寧老我久倦游幸茲息

營、衰相益已迫世念日愈輕自欣天與閒身  
是半髮僧未能遂高隱庶幾保餘齡

賦將甥若水番馬圖

何處驅來良馬六駟黃參錯如花簇胡為不作  
騰驟去各有游韁繫前足胡人下馬俱少休  
倚甕裘眠正熟首豪揀箭奚奴撚意欲射麋不  
遺餒琵琶橫倚續、彈一夫坐聽胡中曲卧擁  
提壺將引飲英氣虬鬚頰皆貴族沙磧坡陀高復  
低天寒不見才草綠我行燕薊頗見之狼帽烏  
靴乃其俗勿云恃勇不知義要以赤心置其腹



嗚呼安得壯士健馬咸作使生令戎虜為臣僕  
平生所嗜惟湯餅下箸輒空真馬永年來風痺  
忌觸口厭聞來力勅正整江西誰將米作纜捲  
送銀絲光可鑑仙禾為餅亞來牟細剪暴乾供  
健啗如來螺髻一毛拔卷然如蠶都人髮新絃  
未上尚盤、獨墨長綵猶軌、盱江珍品推南  
豐荷君來歸攜來東知后正直如羔羊貽我素  
絲踰五絀仙禾本出從嘉穀色味俱同無餅毒  
鼎深熟煮葱豉香大美元年加齋肉有時飯素

笔以薤饒口屬饜味更奇束皙一賦不及此為君  
却作補亡詩

盧甥申之自吳門寄顏樂間畫牋

年來吳門箋色澤勝西蜀春膏最宜書葉、莹  
粟玉賢甥更好奇惠我小畫幅開絨縈殷紅展  
玩光溢目巧隨研光花傳色濕丹綠挑杏春共  
嫵蘭挂秋始肅趙昌工折枝露華清可掬妙手  
真似之臧去不忍觸苟非歐虞輩誰敢當簡牘  
又聞樂間君古篆頗絕俗併求數紙書寄我慰  
幽獨



題申之寄示春郊畫軸

郊原煦、春意足細草淒迷芳樹綠鴈鷺無數  
泛陂塘羊牛相與隨芻牧幾年不泛浙西船恍  
如蘇臺俯平川閑人憂國無他策但願好雨成  
豐年

宋王曾賦六言問天地寶華

昔平曾賦虎丘猶恨靈巖未游天池之景絕勝  
寶華有水倒流老矣不復西去夢入陶朱扁舟  
煩君為我尋訪能以新詩寄不

送心齋公贈成都魯譜書

悼字叔獻

居家江發源我生瀛之壖相望萬里外中間幾  
山川近聞今子敬文價驚鸞鶴何由夢見之失  
喜瞻在前幅巾聳英標銜袖出文編倒屣平生  
歡劇談河漢懸老我三八朝廣識兩蜀賢相與  
論諸公與君最周旋自言隱太城讀書三十年  
城中竹谿居肥遯遠市廛清谿擁屋後綠樹環  
前軒一舟號橫雪可泝復可泝拂衣下三峽非  
為名利牽灑灑追古作海潮賦新篇舊依捍間  
公來乘角東船顧我何所取有懷俱盡言老親  
苦多病嘗藥冀少痊佳客不容留欲著歸驂鞭



間為惡草具願君少留連報無錦繡段贈有來  
絲絃一別無復會慘袪意茫然蜀山渺何許同  
聲惟杜鵑

趙資政當山堂

我公仁存心樂山心如丹平生經行處不厭行  
路難青城及大面石疊連百壘捫參仰脇息六  
嘗生長歎功成歸四明得地數畝慳城隅路窮  
際小福水汪濊蕭條漁家市中有屋百間危樓  
俯人世一看山四環堂深無他景猶以城當山  
城荒披綠莎青、透棹間秀潤長滿門坐對無

躋攀日夕氣亦佳鳥飛相與還終日看不厭徒  
倚十二欄有如擁泰華管窺見一斑况茲綠陰  
成連朝雨潺、濃翠真欲滴秀色幾向餐我家  
但環堵窮耳困弯跽出門得曠望遥碧羅烟鬟  
有時碧雲湧半空聳商顏須臾輒變成威欲駐良  
亦艱羨公得佳趣容我游其藩悠然時見之重  
門勿令闕

風琴

淵明有琴本無絃白傳偏喜聽人彈不如空中  
風度曲隨風往來聲斷續非宮非商從君聽不



中律呂無虧成大如角韻來孤城細似蚓竅蒼  
蠅聲華亭夜鶴圓吭清顫動長引寒蟬鳴或疑  
鳳味叫霄漢又恐僊佩雲中行使其似曲無別  
調安得自在聲冷、蛙喧尚謂勝鼓吹牛鳴猶  
以黃鍾稱絳不如竹六漫語賴此七竅俱琬玲  
幽人院靜新涼生八風不問來縱橫短簞六尺  
午睡足佛、神來傳廣陵

寄題臨江徐秘閣儒榮堂

滄水海豹來京畿繫帛堯舜深惡之元祐政和  
能哉時女真航海來乞師以燕伐燕夷攻夷吾

國何與潛與期島夷日張耶律卑城門失丈殃  
魚池督亢雖入空無貲免夫賦及東南岳廟謨  
顛倒戎逆施中原丘墟責誰尸高皇匹馬興  
漢灘南巡固步尤沾危神旌北指虜屢隳天雖  
悔禍庭未犁兩邦交聘玉節馳廿年不見紅旌  
旗狂胡窮凶不自知意欲投箸凌江酒安知送  
死蕪城西倒戈勢如蟻潰提三年拜賜無能為  
再尋和議平創痍中間紀載紛是非顛末不備  
多懷私痛定泣血作者誰僉言亂華疑傳疑徐  
君憂世老不衰會粹衆作無焚絲東觀直筆多



中律呂無虧成大如角韻來孤城細似蚓竅蒼  
蠅聲華亭夜鶴圓吭清顫動長引寒蟬鳴或疑  
鳳唳叫霄漢又恐僊佩雲中行使其似曲無別  
調安得自在声冷、蛙喧尚謂勝鼓吹牛鳴猶  
以黃鍾稱絳不如竹六漫語賴此七竅俱琤玲  
幽人院靜新涼生八風不問來縱橫短簞六尺  
二垂足帶、甲辰專貢陵

寔題臨江徐私心儒榮堂

閣儒榮堂

舜深惡之元祐政和  
所以燕伐燕夷攻夷吾

此首四庫本無

國何與潛與期島夷日張耶律卑城門失丈殃  
魚池督亢雖入空無貲免夫賦及東南岳廟謨  
顛倒戎逆施中原丘墟責誰尸 高皇匹馬興  
漢灘南巡國步尤沾危神旌北指虜屢隳天雖  
悔禍庭未犁兩邦交聘玉節馳廿年不見紅旌  
旗狂胡窮凶不自知意欲投箸凌江酒安知送  
死蕪城西倒戈勢如蟻潰提三年拜賜無能為  
再尋和議平創痍中間紀載紛是非顛末不備  
多懷私痛定泣血作者誰僉言乱華疑傳疑徐  
君憂世老不衰會粹衆作無焚絲東觀直筆多



所資蓬萊漢閣生光輝儒榮名堂本訓辭大書  
流詠見豐碑我昔假吏陪琬圭故宮禾黍傷離  
、洪河大山望而悲壯士無數胡馬肥謂國有  
人何至斯此心耿、淚自揮年運而往不可追  
因君來覓儒榮詩感觸義槩矢以詞無由縱覽  
讀書惟願得版行用激臣子無窮思

送袁恭安赴江州節推

袁氏四世允五公唐朝三相傳家風君家幾代  
擅儒業高曾藝苑俱稱雄大父謙尊古君子諸  
父名高表吾里一門子弟更競爽挹取乙科自

君始九江需次今幾年去、涿水依紅蓮忘年  
論交正相予此取欲往難留連老我秋來抱病  
久臨歧無由置尊酒祇從卧內叙離懷戀、慘  
袂仍握手鵬程万里茲權輿平時義方師有餘  
送人以言古所重雖誦所聞寧起予君看公孝  
與孟博太守坐嘯仍畫諾一郡之政賴閔決千  
里應湏念民瘼鄉州義事煩主盟纘悉於余無  
隱情處事條理亦為政知君出任當有聲尊公  
亦入闕中幕公退著書端下惡君才更得江山  
助簡書既省尋家季君行遠業未可量弟兄丹



桂終齊芳老悖無庸況多病尚能留眼看朝翔  
趙南仲寄王朴畫猶犬戲為之賦  
鬢髮兩狡狴胡為到庭戶細觀畫手妙摸寫真  
態度意足謝繁筆不待丹青汗亂掃腹背毛頭  
足巧分布尪也如愁胡眉攢眼光注豈惟足生  
鬣垂耳紛敗絮掉尾固自若狸奴為驚瞿側耳  
實畏之衝目猶敢怒誠知取形似不吠亦不捕  
對之輒一笑聊用慰沈痼

朱季公寄詩有懷貞率之集次韻

伊昔羊戶臨丹陽真率之名初濫觴香山尚齒

當會昌卧雲不羨生巖廊七人各列官與鄉年  
德俱高世所臧丙午同甲遙相望清談生風想  
琅、耆英人物尤軒昂賦詩遠追白侍郎文富  
歸休壽而康衣冠十二何鏘、吾鄉五老如鴈  
行至今月評尚推揚家舅仕宦接王揚眉壽遂  
及渭水姜我如傷禽趨鳶鳳忽驚騎箕歸銀潢  
向來雅約猶寶藏菜羹草具烹晁昉四皓中間  
有夏黃鵠、義風誇句章年來抱病久在牀同  
社闊別如河梁君嘗遠宦踰沅湘又向封川憩  
甘棠瘴雨蠻烟暗枕柳何時歸安朝士坊忽傳



新詩凡生光歛祗正色而寒芒詩境幾成破天  
荒徐為續貂未須忙靜揣歸期應未央歸縱未  
衰亦老蒼莫年甘與子同裳何事相望天一  
方  
吳少由惠詩百篇久未及謝又以委  
賦勉次來韻

江左一世稱名公首出刘恢與王濛自高直以  
天自况向止數仞言高墉虛聲一傳實何在但  
知景附而風從我朝諸公門戶闊普納万象如  
虛空羣才俱入大鑪鑄人端如金在鎔又如  
東君一布令白者自白紅自紅巖、千載玉局

老少年徑以吾道東首干樂全次六一二公自  
是燕許宗奏篇六論初流傳四海一日俱承風  
其間傑出六君子香薰班馬猶為濃渚翁又分  
江西派作番序次由本中哦詩作文各務實薦  
鶚不媿北海融坐令文物掩前代主盟豈非諸  
老功固知文氣僵湜籍亦許詩律沾徐洪宛丘  
諸黃接前筆宜有此甥風味同蚤嘗決勝翰墨  
場筆端豪健誰爭工新篇句、多洒落妙畫字  
、真玲瓏惜哉生晚百餘載歐蘇之門欠登龍  
尚茲蹉跎未闊步蚕舟之魚溝豈容我方投老



與世隔映窓愛景方矐矐十年屏居可羅雀何  
人未顧一秃翁儼然衣冠見吾子文書銜襲名  
自通向來兩卷餘百篇諷味至今未能窮更携  
大篇如拱壁刻劃無塩賁孤蹤人言霜蹄騁夷  
路我今秋隼凌三峯愛余過厚擬前良此事如  
何著得儂老找不入杞梓林嶧陽深隱如孤桐  
平生習氣掃欲尽只有媿死著力攻子歸求之  
有餘師惟知嘆悵錦綉曾時、杖屨許來往庶  
可歲寒相始終

龍潭丈室一筍穿入露滿其上固賦

之

一筍入屋照座寒凌晨巧有清露溥益信露珠  
自根起正如真水朝泥九厦屋不應為汝穿不  
肯屈節斜倚欄干霄拂雲已在望且復自保青  
琅玕

旱久無水王伯容分惠桃源大谿泉

將以長篇水至已雨走筆次韻

七十老翁門畫閉終日蕭然無一事却因不雨  
動衰懷擁笏黃堂與祠祀兼旬旱涸舟不通井  
泉欲竭知無計僮奴抱甕扣比隣水不得清懂



無滓舊持見說橫谿源有水側出万竹前考之  
爾雅名汎泉頗思走介分微涓去之一驛不易  
到午暑坐想空岳涎不知何人剝啄扣我門惠  
以小罌童雅驚相傳啓封一勺挹清泚烹試茗  
碗真增研况當精禱已字應三日簷溜俱潺湲  
病中一笑成莞爾城闈安有泉如此吳松四橋  
思陸羽白帝城西歌子美向用中漚取揚子已  
竟清甘冰人齒前人所品殊不定一下一高隨  
所喜老我任世能幾年引飲一瓢幾子淵行見  
甫田取十千坐使遠近俱安然欲和大篇不竟

沉吟久較手鉢成章慙敏手

送滿宰富陽

富春富山水地勝雄三吳壯哉十万户幾邑拱  
行都大江橫吾前上下萬賈趨吾子丞剡川攝  
事姦已鉏試縣力愈勉旃立規撫難治縣古有  
譜近頗多著書捍閒愛汝厚誨語皆良圖老我  
不惜別所望安官居汝亦頗練事正恐方尚疎  
我以熱肺腸有求應所須遇事費十思一跌真  
不虞雖當從心年統、矩不踰况汝年方壯勿  
恃才有餘據輪始窺井任誕寧失拘三年待汝



歸二親真倚閭

又送從子淮

二孫吾所愛別去殊閨情阿剡將賞延伴子性  
亦靈煩子善誘之他日使有成公餘松竹林共  
勉洛誦聲

寄題林宗山巢龜

彼澤之陂蒲與荷有美一人傷如何潔清如許  
豈不好紉蘭綴籬何足多七十二鑽無遺策不  
靈於已徒遭厄人生何用千歲為願似巢蓮足  
清白

送趙仲禮守天台

棹閒社稷臣卷藏經濟手功名付諸郎秀出諸  
公右大兒倅東嘉洗印未云久次子鎮亦城急  
流去何驟二者皆為親欲奉喬松壽况有戲綵  
堂可繼清獻後鄰封尤便養榮侍各畫繡春風  
扇微和安興雲出岫家傳吏師法從政於何有  
還歸鷺鷥行金印當繫肘向來嘗佐郡山非若  
僚友南渡多比客風味中都舊士夫喜公來紛  
然迎馬首其中多故知頗問老夫否

贈相手文李道人



生有文在手縱橫殆天予其間動成字往、傳  
自古舜襲梁武、老十子貢五季友太叔虞仲  
子竟歸魯仲弓有鈞文宰我亦握戶敏士自文  
雅習道本因輔鄧淵彭神符瓊、不足數李邵  
陶士衡三公皆定數白帝矜奇瑞見誚漢世祖  
何為言禍福歷、如君語自言傳希夷妙處勝  
兒取見手知國封况此細紋縷研油燎旃檀始  
見掌中虜何如一覽頃生談樂與若老我縮袖  
間不復煩推步子其訪塵中英傑在何許  
跋余子壽所藏山谷書范孟博傳

山谷晚在宜州或求作字谷問欲  
何書則曰惟先生之意谷許以書  
范孟博傳或謂南方無復書谷曰  
平時好讀此傳遂默誦而書之舊  
聞此說又知在上饒大夫家願見  
不可余子壽來入制慕博記善屬  
文偶談及此又出摹本及尊公跋  
語始知其為先世舊物也為賦長  
句  
宜人初謂宜於人菜肚老人竟不振承天院記



顧何罪一斥致死海南濱賢哉別駕眷遷客不  
恤罪罟深相親棄、不容處城闔夜遣二子從  
夫君一日携紙句奇畫引筆行墨生煙雲南方  
無書可尋閱默寫此傳終全文補亡三篋比安  
世偶熟此卷非張巡巖、汝南范孟博清裁千  
載無比倫坡翁侍母曾啓問百謫九死氣自伸  
別駕去官公亦己身雖旣衰筆有神我聞此書  
久欲見摹本尚爾沉其真輟公清俸登堅珉可  
立懦夫羞佞臣

謝葉處士寫照

頃在朝行葉處士光遠為余寫照  
置於山林中欣然自贊有云山林  
如許盍歸去蓋志於歸也一歸十  
三年旣掛冠再寄一圖為老人星  
狀形容變盡非復故吾矣戲作長  
句謝之

老我舊曾官日邊隨衆年除仍歲遷母子日夜  
念鄉國但欲共耕縣上田葉君寫照妙一曲畫  
我形摸在山水有如虎頭兒幼輿正合置之巖  
石裏猶記有客為諛言盍更野服為貂蟬我笑



不谷心不然拂衣徑得歸林泉歸來歲月不知  
久十餘年中不何有此心炯炯尚如丹只為幽  
憂成老醜久矣與世俱相忘荷君念我應老蒼  
新圖白鬕添一二豈知雙鬢皆成霜兩圖對掛  
耿相照顧眇從容成一笑更添松竹作壽星我  
已甘心就枯槁人言姿態與真同如照止水窺  
青銅明知已非故吾矣小孫指點能呼翁君居  
天街號稱首侯王生面羅左右邊頭飛將新立  
功颯爽英氣照窓牖名滿四方求者多千金造  
門君不呵能事固不受促迫應酬雖繫可柰何

胡為有暇及哀朽楚、裝池意尤厚我今已是  
行路人不須重累丹青手

送宣宗禹保寧軍掌書記

宣之為姓世所稀暇日試為君家推宋之宣公  
舍與夷子孫相承此為基或去出自魯宣伯元  
和姓纂言則非西京功臣虎與義侯封累世皆  
宗技盛哉雲陽宣巨公先武稱其勝二龔鄴為  
司空懷在趙遙、久矣無亢宗君家本自太末  
來世以儒術為家風尚及詹識諸父行君方髫  
齒成孤童艱難歷偏屹中立五行俱下攻時習



日從一登賢士庭貴名日起人誰及舍選真似  
青銅錢一躍龍門浪三級吾鄉驚喜破天荒  
歸見朋儔愈謙挹寶婺古郡名浙東往泛綠水依  
芙蓉如君入幕假途爾及今民事宜加工身途  
萬里才發軔摻袪使勿金樽空從今家聲當愈  
大坐使宣氏崔廬同

玫瑰先生文集卷第四

玫瑰先生文集卷五

四明樓 鑰大防

古體詩

林和叔侍郎龜潭莊

林和叔侍郎永康別墅龜潭莊以蜀  
中烏絲欄為寄使賦詩而書之

頃年會記游花谿宗樞潭府谿之湄徘徊其上  
嘆秀爽宜有英才瑞明時巖巖林公天與奇勁  
氣不為金石移少以六義鳴上庠游宦所至英  
聲馳瀾翻薦口徹旒冕通籍直上黃金闈出宰



長城如卓魯至今遺愛人歌之入朝一冠御史  
豸臺網振厲先光輝光宗聖度如天大俾承舊  
制彤宸奎言所當言公不屈上喜抗直深倚毗  
歷居三院上橫榻首尾獨擊及四期擢居小天  
不肯住遠指章貢把一麾政成召節不旋踵神  
與清漲促公歸代言批勅節彌勵藜藿不採非  
公誰竟以松班分制閩海邦雖陋不鄙夷撫麾  
赤子塵一稔功利及物難周知公方在臺我立  
螭臺省相望心事齊皇上初政公賜環我居青  
瑣公紫薇時平論事同努力竒名雷壘如恐遲

我求外補徑投閒公亦出闕喜相隨受塵親見  
賢郡候攀轅卧輟同旄倪公時自謂二宜去吏  
民獨誦三不欺棠陰蔽芾勿翦伐萬人來往城  
南隄書來不復說餘事頗言別墅躬鉏犁頻年  
日涉愈成趣去家三里共游嬉首崇御札極尊  
閣又以副墨登之碑非欲自詫稽古力鋪張聖  
德勗仁慈獨記殿上爭挽衣咫尺龍顏犯天威  
坐以漢法當粉齏廷臣就列仍紳綏篋藏常裾  
不容毀如以折檻存軒墀公嚴十襲我書榜老  
臣追往空涕洟吾聞一潭浩深綠上有怪石形



如龜是為古麗最佳處地藏天作公發揮大谿  
橫貫地坦平演迤明秀山四圍十峯歷歷可名  
數餘如芙蓉聳天涯獨此一山亘里許中五壁  
峻難攀躋堂名娛老正東南比漢二疏公庶幾  
海棠炫晝連欄檻細數嫣紅遍繁枝雜花滿地  
秀而野何殊迂安居洛師千歲靈龜巢蓮葉祝  
公耆壽登龐眉桃花源杳號霞隱木奴霜後黃  
金垂深可藏書曠可射初篁細香臨月池狎鷗  
渚邊鷗為下觀魚梁上魚不疑懸崖石橫筍斜  
出拒霜為城媚清漪公既垂車棄軒冕鴻飛冥

冥不受羈超然但歌適吾意抱甕直歌心忘機  
我雖未到景略序盡錄無心圖畫為花朝月夕  
景何限想見晴好雨亦宜落霞孤鶩映西日多  
少空翠仍烟霏此雖見之咏不足強歌著語是  
耶非兩守寶婺行或止無由往叩山中扉舊聞  
趙公訪歐陽千里命駕如呂稽清風明月兩閨  
人萬口猶傳樂府詩我雖掛冠病雙足頌繫一  
榻當炎曦荷公雖若魚相忘尺書時來自緘題  
屢索鄙書懶未暇又恐境勝難為詞茲來督我  
語益峻遠寄蜀絹欄烏絲為吾贈詩仍就寫歌



待相好無時衰想像試作高堂賦身知難狂心  
欲飛才固不多老更盡況此病瘁神亦疲不如  
及今為公作語成不工不敢辭兩家子弟向後  
日庶幾二老同襟期  
次韻黃文叔正言送日鑄茶  
龍圖正言年兄寄日鑄貢品且以東  
坡詩中妖邪奴隸等語為病使為直  
之既與佳客品嘗比平日所得者絕  
不同仰嘆鑒賞之精也細觀坡公和  
錢安道寄惠建茶詩一時和韻反為

雙井所牽後在北方和蔣夔寄茶則  
云沙谿北苑強分別水脚一線爭誰  
先又云老妻稚子不知愛一半已入  
薑鹽煎人生所過無不可南北嗜好  
知誰賢死生禍福久不擇更論甘苦  
爭媿妍則是此老初亦無定論似不  
必深較輒次前韻聊為日鑄解嘲以  
資一笑

古人養老食而醕後人既飽須啜茗唐稱陽羨  
顧渚茶惠建之名猶未省小團花鞞香雲龍競



巧爭妍動天聽要之造化生萬物甘苦酸鹽適  
其性古來水品多異同茶品知誰真得正芽新  
火活善調湯種類雖殊俱雋永坡翁立論亦頗  
當一貶一褒何太猛北苑固為天下最未必餘  
茶盡邪曠越山日鑄名最高種在陽坡性非冷  
父老不堪痛推抑待以如隸心若鯁草木端有  
地所宜此品標奇惟一嶺祇因雜取應人須寢  
使虛名成畫餅坡公殆未識吾真真者如珠光  
自炯白頭拾遺辨真贗非是容心為鄉井寄來  
雙缶妙絕倫病容新嘗信僥倖七盃目煎成水

兀笑看腹似支離癭

長生草

我方髻鬢時已復見茲草仲舅尉江陽奉親顏  
色好牕門掛經冬蛛絲罩輕編意為霜雪殘白  
花乃明果世間三友外此有歲寒操年至十七  
八童心如木槁隨時到柯山逢人細訪攷買之  
野人手何須訪蓬島嘗為伯氏壽作詩頌難老  
經今五十年得有江南道老我日就衰歲月豈  
長保一笑哦子詩猶將伴梨棗

又次王恭叔韻



仲冬方寒荔挺出仲夏方炎靡草死若將朝菌  
比大椿相去何啻千萬里金芝僊草不可見長  
生之草畧相似少時會識青青色今日得之乃  
真是天工矜憫輕喪生故出珍苗普相示若言  
神僊可學致自是未得養生理人為天地最靈  
物野卉無情猶若此石間薜荔水昌陽卷柏生  
崖并葛藟是皆草中號長久未見懸空解葩藥  
柯葉不改耐歲寒土著青松那可擬不須丹砂  
訪葛洪毋用僊方傳李耳未知此種誰為傳烏  
有先生子虛子

寄題閬風劉允叔月波

浮海思乘桴拾月或掛席何如閬風僊渤澥坐  
中得隱几時觀濶黏天四無壁清夜水不搖孤  
蟾靜沈壁飄風一過之波光湛空碧萬頃玻璃  
田蕩以黃金液我欲從之游尚恐一層隔何當  
攜珍茶石井試餘滴

題楊子元琪所藏東坡古木

東坡筆端游戲槎牙老氣橫秋笑揖退廉博士  
信酷似文湖州

同倪正甫尚書游西湖

尚書曰此賦



靈芝寺臨西湖倪正甫尚書曰此湖  
如賢者別久再見儼然如昨感其言

舊說西湖比西子君言西湖似賢士于嗟契闊  
十五年一日相逢祇如此南山北山西高峯春  
波灩灩摩青銅未能蕩槩窮勝處倚欄一望開  
心胸老我掛冠隱田里豈知再見烟連水小須  
夏日醉滿荷脫屣東歸甘已矣  
贈犁春謝耕道  
歸耕十三年此來殊欲然一犁正春雨君行歌

何處我方買紅船重歸尋舊廬君亦早歸來勿  
荒負郭田

訪李國器于包山同登寺後山庵  
訪客包家山相與登層巔嶙峋巨石中屈曲扶  
欄干夜來雨初過石罅時涓涓輕輿到岡頭大  
江橫吾前亭午潮方盛千艘散平川道人茅三  
間花木羅後先揭來汨京塵曠望為洗滌山斷  
塔層層西陵淑蒼烟此道走邯鄲歸心更翩翩  
謝林德久正字惠詩次韻  
老我甘投閑晏然十三秋茲來何所似反衣狐



白裘京塵素為縑夢寐思首丘低徊未成去  
勉終自羞久聞歌楚騷欲見知無由詩文惠盈  
軸一誦消百憂便當細論文夜雨同春蕩平生  
萬事了此去復何求尚貪未見書痛洗千解愁  
得此不翅足攜歸老先疇

次韻東坡武昌西山詩

黨論一興誰可回賢路荆棘爭先栽竄流多能  
擅筆墨囚拘或可為益梅雪堂先生萬人敵議  
論磊落心崔嵬向來羅織脫一死至今詩話存  
烏臺憑高望遠想宏放眼界四海空無埃黃岡

踏遍興未盡絕江浪破琉璃堆漫郎神交信如  
在石為容樽勝金壘鄧侯先會訪遺跡銘文深  
刻山之隈山荒地僻分埋沒二公前後搜莓苔  
元祐一洗人間怨天地清寧公道開玉堂同念  
舊游勝筆端萬物挫敵摧時哉難得復易失弟  
兄遠過崖與雷北歸天涯望陽羨買田不及歸  
去來我為長歌弔此老慟哭未抵長歌哀  
盛山十二詩具在石刻而不見于諸公集中  
唱和之盛未有如西山者舊軸既不知所在  
後來跋語亦僅存錄本爾輒不揣和韻以寓



弔古之意仍效周孟公用翰苑印章重歎二  
公俱曾佩此也

次韻雷知院觀音詩因叙家中銅像

之詳

鼻祖家住江東邊推擇為吏心靜淵朝朝趨邑  
過北土時見暗磧光煜然平時奉佛心至謹建  
立塔廟崇諸天試令便介識所在退公始得來  
其前揮鉏去沙若有物微見銅像傷其顛須臾  
衆都全體見端嚴相好巧且堅迎歸供養備精  
潔我家舊物猶青氈銖衣飄搖俱梵相珠纓垂

裊穿淮濱雖非丈六黃金身他處像設無能先  
不知何人妙陶冶底用五色增華妍自茲累葉  
永為寶如以衣鉢更相傳是時承平最盛際正  
在景德咸平間畫工難貌天人妙劫風不動神  
光圓益知佛教來已遠徧滿震旦尊金僊慈悲  
無量應成禱影響若與人周旋耳則聞音目可  
觀此有妙理誰能詮寶光皎皎擁身後貝花葉  
葉俱成全頂戴天冠工莫及中有一佛五不偏  
有孫是為鄉先生決科衣冠遂蟬聯大父持喪  
久廬墓曾以此事形碑鐫起身月卿出為郡殿



上寤主以一言易守鄉邦凡五年寵光赫奕當  
政宣移至湖心值兵燬精廬灰滅因亡焉初聞  
諸父話遺跡興歎歎見無因緣揚州伯父初賦  
歸慨念孝感如參騫零丁募以十萬錢里巷響  
應慶愈綿本工先為小臺殿居以古像口口旃  
後人事之加篤敬日裊香篆長蜿蜒衰宗幸有  
此竒特信知福利非唐捐安得東歸奉香火晏  
坐終老甘三椽

桃源圖

夷堅丙志載桃源圖畫事甚詳曾茂

昭尚書以所藏墨本題識其上後見  
遺余益信夷堅之說不誣作長句以

謝

桃源初傳武陵谿靖節作記人不疑其先深避  
羸政虐嘉遯與世真相違尚不知漢沉晉魏子  
孫綿遠無終期正如三韓有秦語傳為神僊愈  
難知桃林洞府漁人窺別有天地均四時意必  
智者塞其蹊不然將為世所羈後人想像作圖  
畫但見耄稚咸嬉嬉人家隨處成井市畎畝頗  
亦分滕畦井鬼下照坤之維方士異人多崛竒



筠籠二版堅如鐵能刺景物窮纖微淨室給以  
酒盈斗一昔圖成了無虧同寮欲求第二本版  
忽震裂人已非夷堅志怪言歷何意今乃親見  
之未知桃源有此否此事茫昧不可稽初疑長  
房縮地脈又似照影歸摩尼巨麗寫成阿房賦  
牽連貌出連昌辭采女細數七十二人言霓裳  
舞羽衣樓閣玲瓏在縹緲其間恐有太真妃刻  
畫工巧世固鮮磨以歲月或可為彩鸞唐韻已  
甚捷未見神速能如斯尚有漁舟傍階墀咫尺  
安知前路迷天聖已踰三甲子何人寶藏至今

茲南豐丈人惠墨本老眼增明失昏眵固知凡  
蹤不可到一夢遊僊猶庶幾秘之十襲何以報  
贈子相好無衰時

吳山井

寒泉堂道流王德正屢求吳山井記  
而臨安圖經所載甚略無可攷證賦  
長句以遺之

錢唐東南一都會西湖宛在高城外鑿為六井  
引入城唐相鄴侯功尚在吳山橫亘城中央左  
右江湖盡襟帶寒泉迸溢清且甘發自靈源匪



分派天目兩乳龍鳳來秀氣所鍾此其最海濱  
斥鹵潤作醜安得一泉獨滂沛四朝駐蹕八十  
年民聚五方真衆大抱甕桔槔萬夫汲飛泉仰  
流筒吸快大旱不乾潦不溢數里頽肩競分賣  
人言神龍宅其下濟物陰功至今在川澤固多  
資灌溉此井猶能濟闡闡皇家德澤如此泉福  
祚與之俱不改

代書寄內弟耐翁總幹

我昔生外家半世猶相依至今連牆居日日相  
聞知諸表如羣從休戚真同之耐翁生而秀愛

惜從兒時文采既俊發吏才人共推低徊久選  
調每每為歎咨茲行佐王人未到聲已蜚郵置  
屢得書論事語益奇使長首推薦婉畫多所資  
近觀會稽編分析及毫釐益知足心計薦書編  
諸司正欲助才選非敢請以私惜君年欲侵正  
以遠大期得書再三讀惘然增愕眙非所望于  
子所言何背馳江湖兩路間弄兵分潢池羽檄  
以時至廟堂日三思調度供軍需發兵帑四垂  
吾事誠可慮彼亦安能為豈日白頭賊指日當  
誅夷使子任賊衝尚望羽扇揮如何隔千里遽



求奉檄歸長沙此巨鎮洞庭渺無涯鄂渚屯重  
兵上游藉兵威當思深遠謀胡為先自萎此言  
及同寮必為人所窺歸以語閨門徒驚妾與妻  
無端使稟議在此何為辭望子置私憂志立官  
無卑張巡起縣令力抗百萬師逆徒哽喉牙蔽  
遮賴渙灘韋寬守玉壁戒質全盱眙丈夫立節  
義有才尤當施殺身以成仁致命須見危讀書  
不念此萬卷終何裨但當安義命前定無參差  
勉哉盡所職造物不汝遺况復受國恩當與相  
維持今子任高沙偶然脫危機正須加義方豈

應使同斯句也未得祿遑遑不自支既入紅蓮  
幕圖進亦其宜今日寧為民此乃無聊詞歸來  
事若定又思登王畿胸中空擾擾禍福不在茲  
倘能悟愚言便可知非非著枕必安寢食淡甘  
如飴老諄非強聒鄙見不可移少安當毋躁通  
籍看金閨來鳳去蓮田定結谷葉於文清之  
軒出心畫題汪季路家藏吳彩鸞唐韻後  
舊說僊人吳彩鸞日書功韻歸毫端不應神速  
有如此令人至今疑稗官相傳此事三百載誰  
知真蹟儼然在筆精墨妙信入神間以朱丹倍



晶彩法言初為此韻時賸哀文字覺後知寧知  
遂經請僊手諱字會闕民與基經生矻矻盡精  
力摩以歲月或可得動翰如飛猶恐遲一日一  
揮出心畫神僊之說云渺茫僊凡配耦尤荒唐  
蕭史弄玉乘鳳去藍田空說容裴航文簫之遇  
真是否豈比虛名傳不朽五篇歷為全書始信  
傳聞是是有當時所直才五緡于今千金價未  
均十年蓋有數百本未知幾本傳今人惜哉字  
畫太纖細後日傳之知幾歲祇今已有字不全  
歎鑄翠珉固非易我踰七十方見之暫借一觀

聊自怡平生願見心便足何必更謀身後為  
隋開皇初陸法言與劉儀同等八人論具音  
韻燭下握筆略記網紀至仁壽元年始成切  
韻五卷比之前人韻集韻略音譜等書已不  
羣矣後有郭知立等九人各有增加惟天寶  
十載孫愐唐韻最著今世所行廣韻則皇朝  
景德祥符重修遂至二萬六千一百九十四  
言而集韻又在其後也今以廣韻較彩鸞所  
書東有十七而此本止三字同有四十五而  
此止十九公有十三而此止于八蒙有二十



七而此止于十二注文亦多不全况法言及  
恂二序今該立于唐韻之前彩鸞所書既名  
曰切韻又首書法言之序則其為法言之切  
韻明矣傳記已誤曰孫恂唐韻今亦多以三  
書為一或至謂廣韻為唐韻而彩鸞能書之  
是皆非也且五篇其四皆于其首書凡若干  
韻而于上聲獨闕序中幸得源偶言旁有闕  
文後人遽以東字足之為諫議非也蓋詒議  
云

題汪宏甫三馬圖

玉花流雲照夜白開元尚想行天街韓李鄭君  
俱已矣健筆誰能如順齋

樞密府雪後作故韓氏子舍也

平生好流水雅歌臨流賦澗谿或過之春春不  
能去青山園故鄉不肯入城府寧知開八表重  
來尋故步勢家遺故居傳舍偶成寓軒楹立竒  
石巉巖高丈許三面立屏障曲沼水深貯荏苒  
將半載未見有時雨新春積雪餘簷聲夜如注  
曉起推閑窻石穴水噴吐下穿玲瓏餘數尺成  
瀑布髣髴小龍湫雖微體略具退公輒對之相



逢難遲暮有客與同賞酌酒更告語雖云京塵  
深燕坐得幽趣懸崖掛長藤絕頂列佳樹微風  
一披拂墜點紛無數吾方謀乞身信美難久駐  
未能寫成圖聊用賦長句  
謝文思許尚之石函廣陵散譜  
余好彈廣陵散比見周待制清真集  
序石函中譜歎味不已念無從可得  
文思許尚之中行云家有此本後自  
武昌錄寄深歎雅尚又以知然諾之  
不輕也因作是詩以謝之

叔夜千載人生也當晉魏君卑臣寢強駸駸司  
馬氏幽憤無所洩舒寫向桐梓慢商與宮同慘  
痛聲足備規撫既弘闊音節分巨細撥刺洎全  
扶他曲安有是昌黎贈穎師必為此曲製昵昵  
變軒昂悲壯見英氣形容泛絲聲雲絮無根蒂  
孤鳳出啞啾或失千文勢謂此琵琶詩歐蘓俱  
過矣余生無他好嗜此如嗜芟清彈五十年良  
夜或無寐向時幾似之激烈至流涕素效韓臯  
言神授託奇詭別姊取韓相多用聶政事近讀  
清真序始知石函秘寶哉許阿訥自言家有此



文君昔寶藏人亡琴亦廢荷君重然諾寫譜遠  
相寄接拍三十六大同小有異此即名止息入  
拍信為贅君遠未能來我老從此逝何當為君  
彈更窮不盡意  
韓文公聽穎師彈琴詩幾為古今絕唱十句  
形容曲盡是必為廣陵散而作他曲不足以  
當此歐公以為琵琶詩而蘓公遂櫟括為琵  
琶詞二公皆天人何敢輕議然俱非深于琴  
者也丁卯夏秋間嘗有一詞謾錄呈所謂激  
烈至流涕者也

正聲第一拍名取韓相第十三拍名別姊又  
一本序五拍亦有名第一拍名井里史記刺  
客傳聶政軼深井里人也刺殺韓相俠累有  
姊曰榮韓臯知叔夜之託于神授以避禍而  
不知名拍以聶政事又以見古有此曲也解  
有知者故及之  
王叔達以尉彭澤潛玉洞述見示  
書巖已奇甚潛玉尤偉哉李君漫盤谷元子室  
崑臺神不得自秘天應為君開淵明如得此應  
不賦歸來



題董亭道八景圖

錢塘怒濤天下無誰將尺紙為新圖賀家湖上  
如鏡淨屢向烟波逢釣徒彩虹橫卧吳松上洞  
庭一螺浮具區亦曾泛舟彭蠡湖插五千劍名  
大孤廬山高哉不得到歷歷五老聯香爐上鍾  
下鍾夾湖口半江清濁涇渭如多景雄據金焦  
間夕陽微照海門山其餘知名不知處赤壁但  
歌前後賦江漢至鄂始合流黃鶴樓前鸚鵡洲  
瀟湘見說青如染道林岳麓橫清秋我欲遠遊  
嗟暮齒蝶夢翩翩漫千里但欲絕江尋越山歸

老故山吾已矣

魚計亭

平生信天公頽然不作計顧我雖非魚想見亦  
相似潛深本其性魚亦非有意浮陽或在渚不  
能終自秘或為饑所驅危機在香餌輕絲引纖  
鉤性命困刀凡魚以味得烹我以名自累安得  
兩相忘容我從此逝

跋廬申之所藏韋偃三馬

名畫記言韋鑿工龍馬妙得精氣從  
子鷗善小馬有小馬放牧圖傳于代



思陵親為再書尤為可寶申之求詩  
感而有作

嗟哉馬之生馳驟乃其性一為人所羈寸步不  
得騁局促閑殿中專俟國人令調服無跼齧始  
可用朝請戰騎冒鋒鏑或致隕其命繡羈非不  
華金狨號為盛青黃木之災此亦馬所病立仗  
尤貴重一鳴輒斥屏何如在牧時卧起玩烟景  
豐草勝芻苢清波恣游泳韋侯擅筆精幻出無  
人境思陵賜珍題昭同光炳炳身方縛名韉三  
年慙負乘細窺樂寬閑悠然動歸興

宇文樞密借示范寬春山圖妙絕一  
時以詩送還

范生本以寬得名不學關仝與李成筆端自出  
一機杼理通神會真其能橫披小軸屢到眼頗  
亦時能辨真贋未見弘大如公藏茂樹喬山春  
爛漫此圖不是江南山寒空青嶂疑商顏高高  
下下幾佳處莊家時有茅三間橋梁樓觀各有  
趣一夫驅驢何處去安得隨入杳靄間布襪青  
鞋踏空霧近山忽斷見遙碧天涯一望無中極  
胸中丘壑誰測知鐵屋石人驚筆力鵝谿六幅



高堂空終日對坐心神融看罷為我捲還客自  
此歸余境夢中錢文季少卿以蜀中織成山高為壽  
七寸衰翁年愈高意氣銷盡湖海豪平生萬事  
不翅足但歆乞身歸故巢幾番掛冠不容去歸  
夢屢涉滄浪濤縱使不去豈能久命如槁葉風  
將飄一陽來復值初度方念吹棘心天天何期  
老友加記錄乃為衰朽親揮毫廬山高哉山谷  
字蜀女織就新冰綃安得東歸抱四絕雙鳧飛

寫追王喬張圖痛飲信一快更須傳寶留兒曹  
慶朝非遠卻圖報別當作頌齊崧高  
以太湖石響板為文季壽  
太湖中心洞庭山千巖萬壑高孱顏風濤春撞  
自太古激成樂石如雕刻玲瓏中空窮變態奇  
奇怪怪羅滄灣良工巧手琢威鳳片雲承足同  
飛翻叩之五聲八音足疑有僊風搖珮環月卿  
蜚聲塞宇宙文如九苞瑞世間祇今在治真若  
鳳朝陽一鳴聞九關先從鸞閣掌帝制徑上鸞  
臺領朝班德既不衰石不泐祝公遐壽如彭錢



次韻章樞密賦吳彩鸞玉篇  
文簫躡彩鸞夜半恐不逮山深忽呼名驚喜不  
得退僊謫無所逃士貧何可耐乃以三生緣遂  
為二姓配至人與凡夫伉儷豈其輩鸞書以自  
給細字如玉碎一一存楷法明珠蔑瑕類初如  
鶻比翼久若魚同隊終日了韻編心畫亡星礙  
人間八百本終古知敬愛玉篇尤可珍何必贈  
雜佩倘邀千黃金雖貧亦當貸摩挲惜見晚老  
眼看茫昧墨妙饒精神筆勁含姿態次第部居  
中盤曲法庫內九齡美風度孟博信清裁書拙

無合作見此增愧慨尤物難久假雪牕暫相對  
遺蹤雖已邈真跡儼然在輒效西子鬢小楷書  
牘背

題太乙宮武林山贈易高士

易居求賦武林山日困塵勞無暫閒我求掛冠  
欲歸去念此詩債須當還武林山出水靈隱後  
山無乃是此山亦復用此名細攷其來真有以  
天目兩乳到錢塘一山環湖萬龍翔扶輿磅礴  
擁王氣皇居壯麗環宮牆湖陰一峰如怒猊勢  
臨城北尤瑰竒吳越大作緇黃廬為穿百井以



厭之從來有龍必有珠此雖培塿干山餘中興  
南渡為行都崇列原廟太乙廬曾因祀事來登  
眺闐闐塵中有園嶠薰風時來洗袪暑綠樹陰  
陰隱殘照我得暫來猶醒心羨君清福佳年深  
長安信美非吾士倦翼惟思歸故林

寄題王以道寧蘭墅

百卉生深林無人皆自芳楚騷發妙意惟蘭乃  
能當我欲效潞公賸種坡之陽不須強披拂風  
來味愈長君乃先為之滋畹雙雁鄉正欲生階  
庭聚書教諸郎父子自同心久之不聞香老我

行西歸一造君子堂勉哉篤義方雙雁看高翔

蕉菴雜言

環植巒蕉數十株幻成方丈一屠蕪幾重青倉  
兩邊合四壁穿空一物無早涼日薄坐其下爽  
氣肅颯風來徐此為天下易生物不多歲月真  
可廬王愷謾夸紫步障石崇安得青珊瑚寓居  
得地不畝許好事便可傳規模顧余老矣豈久  
處後來得此自足娛若謂霜雪成枯瓊臺瑤室  
今何如



本賦吹... 虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...  
虞... 歐... 下... 庫... 西... 疑... 蘇... 我...

玫瑰集卷六

古體詩

石時亨飽山閣

四明樓

鑰大防

乾道七年冬見時亨相與登飽山閣淳熙七年秋又過之今三十有三年矣時亨書來索詩老矣日困憂責之重應酬之繁何處有此慨念舊遊况昔止齋陳君舉洎薛象先諸公往來必遊焉此閣名因以



傳黃文叔則又里人也存者無幾併  
于未章見之率爾有作蕪拙媿甚  
層層得好山是處足飽看君真樂山者心地尤  
平寬生長山水縣慣見青巘岼築室欲飲賞憑  
虛著危欄天亦遂君意俾君老其間場屋早得  
晚始就一官官又不得進甘心樂瓢簞官少家  
食多知更幾暑寒朝見山嵐高暮喜山雲還山  
氣日夕佳秀色幾可餐晴雨各變態雪月更萬  
端于山真屬饜清明流肺肝膏粱與黍與世殊  
鹹酸久矣謝世紛屏息專內觀鬢無一莖白八

十顏如丹所得不既多愈飽天不慳此閣本不  
華何處無此山苟為名利驅人竟無相關吾鄉  
山苦遠可望不可攀東樓快登眺聳翠羅烟鬟  
年來勇欲歸匏繫未許問君索飽山詩南明恍  
在前十年兩訪君共醉首著盤向時多名流與  
君平生歡祇合幾人在一見良獨難叔度鎮金  
陵道衡處瀛壖舊遊如晨星相望可長歎歸夢  
遠故丘非晚再掛冠何當泛剡谿往從子于盤  
林德久祕書寄楚辭故訓傳及叶音  
草木疏求序于余病中未暇因以詩



寄謝

平時感歎屈靈均，離騷三誦涕欲零。向來傳注賴王逸，尚以舛陋遭譏評。河東天對最傑作，釋問多本山海經。練塘後出疏，詳備晦翁集。註尤精明，比逢善本窮。日誦章分句，析無遁情。林侯忽又示此帙，正欲參攷。寡華英屬余，近歲方苦疾。筆硯廢墮，幾塵生。嘗鼎一臠已，知味始知用。工久矣，成況復身到荆楚地，詳究蘭芷，聞芳馨。前此同朝幸，相與錦囊詩文為我傾。惜哉不早見此書，病中欲續神不寧。年老耄及屢求去，倘

得掛冠早歸耕，尚當一一為尋繹。期以燭火裨明星，謾揮斐語塞厚意。深媿所報非瓊瑩。

贈黃真護道人游茅山

少年曾上三茅山，千巖萬壑窮躋攀。烟霏空翠不可狀，弟兄聯騎欣清閒。回頭五十有餘載，至今夢境猶班班。初從崇禧入仙境，元符玉晨紛幢幡。草庵精舍不知數，各占山麓清溪灣。蓑衣相見黑虎谷，蒼然白髮猶朱顏。延之土窟款清論，桃皮釀酒無留殘。達道所居更奇絕，萬山開豁如重関。一山巉巖似筆格，聳秀正矗湖中間。



白馬真人尚生氣長史舊井藏餘丹異石若碎  
還復合參龍幾處多澄瀾華陽洞門閉已久傳  
聞亦有游其藩撫掌浮漚湧如沸僊人捧石手  
可扳最奇無如大茅峯千尋直聳天市壇中峯  
小峯如雁行下視堆阜羅烟鬟三君司命時歸  
降往往天風吹珮環人言春日羽衣會胎禽終  
日乘飛翻玄帝大鼎秦皇壁丹砂六千在流泉  
地無虺虎與荆棘但有衆藥堪延年洞天凡蹤  
不易到我欲再往良獨難有時慨想舊游處陟  
岡惘惘涕為潛江夏僊人有僊骨卓爾拔俗甘

瓢簞搖鈴真能徹帝所揮鑿自足驅神姦曾入  
金華訪初平今往地肺求洞元游經都城道價  
重拂袖忽厭拘塵煩徑登紫芝繡衣亭咫尺衆  
真相往還神僊渺茫信可學祇恐涓塵天意慳  
但見茅君極僊品誰知求道越岨難至今豐碑  
載錫文舟墮千劍如指彈君得此居宜勇進勿  
使學步譏邯鄲我欲休官未容去歸夢過覺多  
愁歎終當掛冠四明隱捫蘿采石紉芝蘭江東  
日暮雲生處安得羽化同霞餐  
舅氏適齋汪公尚書慕香山之高續



達哉行集香山詩句次韻

脫衣典酒曲江邊不作閒遊即醉眠大抵浮雲  
何足道生理何曾得自全朝廷雇我作閒人鬻  
鬻緡錢三二千一種共君官職冷收得身來已  
五年五年炎涼凡十變老後誰能惜酒錢塵纓  
世網重重縛七十八十百病纏千萬人中無一  
人自喜天教我少緣六十三翁頭雪白貧家強  
健亦天憐每愧尚書情眷眷為君一醉一陶然  
其間氣味多相似猶在病羸昏耄前月夜徐行  
石橋上累累棟宇相連延歲種薄田一頃餘薄

產處置有後先更無俗物當人眼遊魚潑潑荷  
田田為君舉酒歌短歌不妨兼有散花天  
適齋一片心世人難與比少時發此念樂施到  
暮齒婚姻成者衆葬埋不知幾義氣追古人仁  
風動桑梓利益及物物方便形事事先正有此  
言源流固有自外家有大地清波照叢桂來者  
不問誰小大聽盈器及其早將涸一雨復清泚  
我舅為欣然作詩自言志平生欲濟人往往多  
割已向來棒可分桂冠踰一紀心勤力不逮不



得盡如意安得有貲財如此池中水求則應  
之吾心斯足矣長篇筆餘力疊疊遂滿紙病足  
正僵臥三誦為之起韻險不容次愚言不能止  
公曰汝得我只用元白體公心與天通言合孟  
軻氏救粟如水火此意豈不美黃金土同價但  
恐無此理求水易足用近止及鄰里上不過飲  
食下亦止濯洗求財則無厭求不問遠邇應者  
力已竭求者殊未已有如一富翁獨處百家市  
始為遂什一貧富本相濟餘被四鄰人情皆可  
喜久之責望重爭訟隨謗毀不言理曲直但謂

富者鄙克舜有至仁猶病在博濟所以漢昭烈  
其言有深旨富者民之怨百萬輒散棄貧富久  
有分取予尤不易生長在舅側義事熟于耳頗  
亦知為人緩急力不計舅言出于仁甥言裁以  
義二者若不同同歸于一際愛苟無差等兼愛  
幾墨子豈惟道非中安有力及此仁民而愛物  
要自親親始今是故非此則不仁也  
下惠不適齋約同社往來無事形迹次韻  
舅氏年益高何止七十稀神明曾未衰髮黃齒  
如兒義概同古人閭里咸歸依度量海深闊仁



愛佛慈悲居然三達尊後生願影隨為作真率  
集率以月為期平生持謙柄自牧何太卑善學  
柳下惠不欲慕伯夷一鄉有善士收拾畧不遺  
以此娛我老今是勝昨非何必汗漫遊據龜食  
蛤蜊但欲客長滿痛飲真吾師鄉黨既恂恂朋  
友亦惇惇凡我同盟人共當惜此時間或造竹  
所寧容掩柴扉耆英古有約不勸亦不辭此意  
豈不美謹當守良規達哉杜陵客從他人見嗤  
其言有代魏丞相為錢參政壽  
天台傑立滄海東古今名士長相從神遊八極

司馬子擲金作賦孫興公松牕先生千載士文  
價道骨相與同芙蓉為裳蘭為佩一笑坐斷千  
山峯向來羽扇揮羣雄貌貅給使如奴僮淮南  
草木識姓字烽燧一掃邊庭空勲名嵬峩謝不  
有天子神聖非臣功黃扉安坐斷國論精神自  
折千里衝東山之志意不改歸來碧落稱僊翁  
調元老手自變理鬢鬢綠髮雙方瞳蒼生顛望  
謝公起中興事業須宗工新冬五日記穀旦霜  
餘和氣回春風門墻老生繫郡紱欲借壽筭斟  
吳松祝公壽考與家世山河帶礪俱無窮



代仲舅尚書賦江山得助樓

江山信美非吾土王粲登樓意淒楚麗譙井幹  
高則高未免綺羅相滓汚君家華屋照城隅丹  
壁重重不知數誰令作此三層樓雪脊干霄干  
尺所幾番貽書來索詩只許歸田為君賦快哉  
今日真得歸無復黃塵泥中屢試凭欄干俯人  
世城郭村畦可枚數四山雲物任卷舒大江波  
濤恣吞吐曉看紅日上滄溟夜見冰蟾轉天宇  
四明山水秀東南祇恨青山不肯入城府我家  
朗朗屋百間欲創一樓兄未許羨君輪奐日日

新鑿鼓一聲紛郢斧眼明見此高突兀騷人當  
得江山助我久欲歸未得閒門巷相望纔尺五  
賦詩幸不負前盟但慚筆底無風雨從今造門  
不復問主人醉到樓上君莫嗔

代求子紹上魏郎壽詩

皇家基業天與隆金枝玉葉繁石宗我皇聖德  
摩蒼穹朱邱森列慶所鍾仲氏吹篳何難難雲  
夢八九羅心胸羣經讀遍巾箱中筆端豪氣舒  
長虹殿前玉佩聲冬龍天人眉宇輝宸楓大名  
起魏茅土封黃旂豹尾雙鎮雄宣城名郡煩憑



熊政績越過黃與龔樓前疊嶂橫雲空佳句不  
減玄暉工賢王易鎮甬水東陽春有柳皆仁風  
百蠻面內文軌同坐清聚蟻驅屯蠶碧海萬里  
樓船通天子神聖非臣功薰風入弦槐陰濃新  
荷泛綠榴花紅曉來佳氣飛青葱驚詫野老田  
家翁簫鼓動地光融融堂上帝子方雍容清旦  
燕賀簪笏叢負弩小吏隨登龍由來降靈自神  
崧難老何用齊喬松年年箕翼壽兩宮捧觴戲  
彩俱無窮

禱

一代毛崇夫賀婦翁黃圮老生朝

入當

東都競風節清裁稱巨賢焱馳不自定相與扶  
其顛獨立黃徵君道周性俱全辟舉既不就言  
論亦無傳當時論篤士比之孔與顏陳蕃為三  
公自媿不敢先夫人豈苗裔德高靜而專不清  
復不濁量陂渺無邊學問粹然正師友承淵源  
詞章玉無瑕作者當摩肩向來登王畿悟主在  
一言校讎天祿閣朱黃手自研即潛不啻足肯  
羨歲九遷清朝獎廉退擢居西府員撫仕皆坐  
致高懷越拘攣出乘使者車徑歸臥林泉出處  
無戚欣鼻問栩栩然謝公恐未免召駟行著鞭



松山介閩浙淑氣常蜿蜒隆冬正疑返愛日  
春妍懸弧慶生申飄若區中僊僊風自難老何  
須記春年賤子託松榆掃門如宿緣切在玉潤  
選得窺樂廣天川涂阻拜壽春容陳大篇孺子  
尚可教願受書一編卷八向未登王卷五  
刺史諸侯貴春城海水邊層城臨媚景永合數  
百源山色佳有餘雲門吼瀑泉遊山憶謝公頻  
遊任履穿三寸如黃金朱橘不論錢瀟洒到江  
心石瀨月娟娟翠華擁吳岳誰扶黃屋尊御榻

在躑嶮佳氣拂周旋多除南省郎一麾出守還  
城中賢府主今之黃穎川筆落驚風雨談論淮  
湖奔羣書一萬卷分明在眼前老氣橫九州黃  
鵠摩蒼天歷職漢庭久磊落映時賢否臧太常  
議正直朱絲弦東下姑蘇臺戮力効鷹鷂謁帝  
似馮唐明公獨妙年列宿頓輝光馨香粉署妍  
卿月昇金掌等級敢比肩巢許山林志虛心味  
道玄此邦承平日接近與名藩時節立復度水  
旱其教然百谷漏波濤狂風大放顛江流氣不  
平地軸為之翻人烟眇蕭瑟茅茨寄短椽凋瘵



滿膏肓誅求何多門至尊方旰食鴻雁美周宣  
平生方寸心窮年憂黎元恐辜明主恩筋力不  
辭煩晨趨閭闔內應對如轉環制可題未乾御  
札早流傳斯人亦何幸已聞動行軒滯務茲一  
掃煩苛法令蠲撫養甚分明連檣並米船蜂蠆  
不敢毒歌笑輕波瀾驕陽化為霖江鳴夜雨懸  
公鎮踰歲月人安若泰山且如今年冬祁寒為  
之喧蕭蕭理體靜迥出諸侯先何時降璽書誰  
能叫帝閣絲綸實具新載渥照乾坤借問今何  
官蓬萊漢閣連駕鷺回金闕會是正陶甄煊赫

舊家聲風流今尚存嚴家聚德星文雅見天倫  
曾參與游夏寔為親弟昆潘輿送喜頰堂後自  
生萱國與大名親中堂有神僊令子各清標芝  
蘭疊瓊璫今朝烏鵲喜僊鶴下人間甘作老人  
星晨霞朝可餐但求椿壽永何曾藉偓佺獻壽  
更稱觴肅肅秩初筵爛漫倒芳樽華燭蟠長烟  
清朝燕賀人佳句染華牋吾非文人特不敢廢  
詩篇顧惟魯鈍姿喧爭懶著鞭出遊翰墨場常  
受衆目憐尚為諸侯客坐客寒無氈未見有知  
音非理誰與論始知賢主人見我顏色溫包蒙



忻有擊豁達露心肝竊效貢公喜兼盡賓主歡  
吹噓人所羨推轂期孤騫  
茫茫蒼蒼青山遠千頃波光新秋露風荷吹香  
悠颺心地偷然生清涼古岸搖楊垂時有白鷺  
飛來雙隱君如在鶴與翱翔老先何處尚有流  
風未忘琴與君兮宮商酒與君兮杯觴清歡殊  
未央西山忽斜陽欲去且徜徉更將霜鬢臨滄  
浪

和東坡醉翁操韻詠風琴

冷然輕圓誰彈向屋山何言清風至陰德之天  
悠颺餘響婣娟方晝眠迴立八風前八音相宣  
知孰賢有時悲壯鑑若龍泉有時幽香彷彿猿  
吟鶴怨忽若巍巍山顛蕩蕩幾如流川聊將娛  
暮年所之身欲僊絃索滿人間未有逸韻如此  
弦

楚辭

楚辭  
雪谿僊隱

余讀叢桂堂記而知雙流宋氏之



盛視登科記而知四川類元正仲  
之名忽過余于寂寞之濱問其所  
以來則懷閬風之綬而訪其大父  
閬中君雪谿之僊蹤也其詳見于  
楊獻子之記矣又言其先君諱庶  
俊特多才藝閬中素所鍾愛年止  
四十于是時正仲之生始九閱月  
爾少長安兄淑仲告之曰汝之生  
也卜人曰棄之先君不然取洪範  
攸好德之言作詩以名汝謂壽富

康寧考終是有命焉惟好德在人  
為可勉詩未以世科為屬自爾刻  
木誓斷絕世故將從雪谿為物外  
游不幸志不克就汝其識之則又  
泣曰先君已矣大父之來四明不  
知其果何在萬里來游志在此也  
余聞其言而哀其意為作楚辭以  
招之  
君之生兮天之西望雪山兮名之以雪谿君之  
游兮海之涓隱于雪竇兮杳然何歸子從其父



今孫訪吾祖子志不遂今孫之心良苦嗟嗟閻  
中君兮棄家而遠遊塞胡為乎不久留其遂蟬  
蛻塵埃而僊耶其亦肥遯得道不死而隱于四  
牕之幽耶捫蘿以尋于爛平兮既不可見莽白  
雲之廿里兮欲進兮焉求青樞兮寔繁莎羅兮  
花稠鞠侯兮相與羣白鷗兮嘯其儔謂為遠兮  
何景物之良是謂在迹耶將徑之何由肖君像  
今茲堂謹奉嘗兮良疇君其來兮庶几其見之  
君之不来兮徒相羊以夷猶是集傳寫多訛  
缺處因無善本參

校每字仍其舊此首青樞句原缺  
缺鞠字今批陸龜蒙四明山詩小序云有青樞

子味極甘有猿謂之鞠侯補入又及寧波府志  
宋耕魏雪谿世家雙流紹興中為閭中令後仙  
去其孫德之聞其在四明來訪至雪竇山過蜀  
僧告以山後爛平山有宋宣教居焉德之攀躋  
至巔果見丹竈而終不得耕所在乃置祠其上  
而歸云足補樓鑰是序所未詳謹附注于此







